

程

休寧宣仁王氏族譜九

譜傳

禮有言子孫之於先祖無美而稱之誣也有善弗知不明也
知而弗傳不仁也吾王氏自觀察公自唐公以來代不乏賢
攷之世圖舊傳皆可按蹟而知用昉列傳之體撫其行實傳
之凡先代遺文及所得名公詞翰悉錄焉至閨婦有德不必
著於壺外者各於夫傳見之乃有淋媛貞婦誼不容泯者則
於譜傳之後各立一傳彰幽德也其中自始祖以下各俱稱
名臨書不諱義也吾祖父稱諱從蘓例也至若生人有行可
武者悉不之錄不以賢智先父族也此立傳意也昔羅彞正

長樂郡
振錄西
諸君

叙劉氏胡氏譜惟歆其景行前人而陳公甫次羅氏家世惟重其忠耿節槩是傳也褒前脩而式后進抑亦有感於斯歟

族譜耆宦儒善傳行誼無足採者不錄

一世

自唐公翊字景淳祖諱仲舒仕至江西觀察使父諱泰不仕兄弟七人家宣州之船蓮塘唐僖宗乾符五年避巢亂徙居歙之黃墩廣明元年賊平中和二年侍父泰遷居休寧之東溝昭宗天復二年復遷邑之宣仁里南市擇鄉托跡名曰美俗延袤寬宕計可三十餘畝號為巨室唐武宗會昌昭宣甲子生天佑乙丑歿配曹氏會昌乙丑生乾化辛未歿同葬二十五都下座前山丙向一子楫傳曰乾符時巢亂干戈紛攘天下事多故矣自唐公堂構聿新於宣仁卒推鼻祖祿令俗驅

馳芸擾之中貽厥孫謀抑何美且休也

二世

園林公楫字端祥唐僖宗中和辛丑三月生唐明宗長興癸丑正月歿葬早稻充丁向二子或武配韓氏葬一都黃土嶺已向金釵形何國師扞地也傳曰園林公賦性澹泊不習華縟天復初侍自唐公徙居宣仁築室宅畔號別業王家園云招隱流觴陶、甚適也迪惠貽謀於自唐公可稱濟美矣

三世

圖南公或字文忠唐昭宣天祐乙丑五月生宋太祖開寶癸酉三月歿配吳氏同葬黃土嶺之大塘丙向一子春傳曰圖南

公廉靜寡慾有大度貲甲一郡郡人號曰十萬君樂施不自予人咸食河潤也語曰享其利者為有德其圖南公之謂歟駙馬武字文信美丰姿文武兼備唐明宗朝應詔選尚安祥公主梁太祖乾化辛未二月生唐主從珂清泰甲午扈駕北征戰卒於陣詔收遺骸備衣冠賜葬於邑之二十五都東溝下庄前山癸向傳曰駙馬置自西京祔天姻文信公承榮耀錦以勤王死古謂勲戚是也夫以孤悴之士生聯環衛歿托革囊非烈丈夫孰能至此哉

御贊駙馬王武真像論書

皇帝詔曰天命中興群臣輔弼今駙馬王武本朝選尚安祥公

主征伐有功不幸陣亡今特命儒臣繪像以傳其後乃援筆贊之尚慎欽哉毋怠茂命贊曰

蘊抱經綸濟世多才華德業豈能磨天然才貌應無比異後兒孫繼擢科

天成丙戌二月一日題

贊駙馬王公序

進士呂文仲撰

昔人諭曰男子生而願為之有室女子生而願為之有家自天子至於庶人以賢擇賢理固然也今咸曉王氏郡出三皇五帝之後逮夫盛周有吹笙子綰之傳鬼谷先生之派或文武顯於戰國及漢魏之間豈能盡枚舉耶至南唐明宗皇帝

即位以安祥公主年茂詔選館甥而休寧王氏子武應詔授駙馬武字文信為人恂懦無華庶隅有守比一个之士傳一脉之芳氣吐虹霓繼志述事曾歲豹畧出類超群煥乎文武兼全卓爾人才特達生於明時當於盛世統承一旅之軍卒助佐於朝遂成一且之功名榮顯於已當是時也父母愛之鄉人榮之士卒服之號令信之戰陳先之矢石冒之君王嘉之生靈望之帝以公主儀容俊雅載歌桃李之篇合配賢能特舉秣蘭之典榮之封爵委之室家此天子堂堂而以賢擇賢也匹配乃前生之匹配婚姻係宿世之婚姻君君臣臣職分之所當為夫夫婦婦伉儷之所如願駙馬乃將相之種公

主本帝王之枝鼓瑟鼓琴成百年之好合乃文乃武際四海
之雍熙榮享當時流傳後世詩曰公侯子孫必復其始予於
王氏望焉

駙馬王公像贊

山陰陸章撰

廉隅自守悃悃不華金枝有托玉潤無瑕正直為人勤慎於
家春風桃李時雨棠麻貴幸傾朝誠可褒嘉

尚安祥公主像贊

如珪如璋端一誠莊鷄鳴之戒鳳占之祥封章榮寵萬古流
芳

駙馬王公遺像贊

進士林必大撰

悃悃無華直佐有功卓然其人儼然其容祖德昭於北海家
聲著於江東配偶獲天上之鳳超拔為人中之龍冠世之才
當代之雄勤勞帝室勒其懋功流傳厥後永遠無窮

又

華陰郭文毅撰

清要之位侯伯之封忠孝家國道義心骨

輓駙馬王公詩

通議大夫方回撰

拜觀遺容意豁然功昭戚里世稱賢山河落落三千里歌舞
紛紛五百年忠孝秉心期在我寵榮當世聽乎天嗚呼名在
人何在事跡無磨簡策傳

四世

休寧宣仁王氏譜

百四八

玩芳公春字景華唐昭宗天福丁酉正月十九日生宋太宗至道丁酉歿配謝氏同葬二都楓林園子向二子濟濬傳曰玩芳公洒落烟霞者也澹泊好讀書門外多長者車輒時論推之先世有墅名王家園築亭其上署曰玩芳可謂娛情以自適矣

王氏花園記

去紫陽之西六十里許曰休陽也溪山環遠林壑蔚然民居其間者即邑治也望之而闐闐連甍比廬而處者皆巨室大家也由治之南家傳詩礼世襲衣冠喬木宮牆高出數仞者大姓王氏居也隱居求志抱道自珍貌視仕進者處士王公

景華也居之旁有園二十餘畝人號曰王家園隔市井之喧囂擅林泉之佳勝飄然為幽人隱士適乎情者處士之花園也垣墉周固臺堦疊砌等級秩然而初始即處士之大父也據花園之勝而林泉之樂培植四時不謝之花延留八節長春之景而寓雅懷幽興於其中者處士之善繼述也若夫水竹雲山琴樽簡冊玩草色於憲前聽松聲於檻外咀黃花之晚香尋孤梅之的皪杜俗駕而不來絕市塵而不到清標特出者又處士之樂意也遠而觀夫雲林烟樹近而卻夫馬足車塵琴彈綠綺之音道味青編之趣寄身世於紅塵之外馳神情於太古之先優哉游哉曾不知景之將暮竟日忘歸者

處士之樂無窮也然杜子美得夜溪之勝始盡其歌詠之懷
嚴子陵得桐江之隱終極其高尚之志處士今適花園之樂
亦得以遂其幽隱之清矣抑有說焉山陰蘭亭嘗得羲之而
彰南陽草廬嘗得孔明而著南市之花園不其得處士而增
重矣乎吁臥之以元龍百尺之樓起之以郭隗千金之臺處
士素彷彿慕之是人皆知其有花園之樂而不知其真樂之自
有在也予頗識其樂之真又不可無記也賦之者誰星源馭
上丈人也

家園八景詩卷引

嘗謂宇宙之間正心處物俯仰無愧惟適所安者為難能也
春承先人遺澤以文墨傳家有別墅八景圖曰松蘿擁翠玉
几環青落石釣臺練溪漁艇芝山古廟嶽府行祠美俗重門
宣仁故里日從而詩之好事者又目而和之噫吾家先世義
之記於蘭亭摩詰圖於輞川是蓋樂於奇山秀水之間光風
霽月之下其遺千古猶嚮先人之家園八景匠於圖書工於
聲詩所以棲其身怡其心者雖不能効二公之名聞於天下
而當保百世之業傳於王氏也豈直適所安俯仰無愧而已
哉春無似敢擬數語於卷端云

宣仁故里

宣仁故里類相從慈愛弘敷樂育中
桃李濃陰新第宅松筠

碩望奮垣墉人無冰炭唐虞習戶有詩書孔孟宗心德化行
聲教鐸春風比屋可同封

美俗重門

美俗重門擊柝雄警嚴暴客計應窮察言觀服縱來往由義
屋仁恭異同比屋絃歌酣夜月趨庭詩禮藹春風防閑習尚
恭而謹木鐸宣揚在箇中

嶽府行祠

高柱忠貞樹李唐流風遺像尚堂堂庶頭關上功勳著豹尾
班中姓字揚鞏固山河符赤縣寓留香火鎮休陽閑聞鐘鼓
來朝暮需潔溪毛奠酒漿

芝山古廟

五緯經天降正神粵唐祠宇幾何陳扶藜携酒看奇勝東帛
賈香克祀裡蝸篆一龕半玉蝕苔封四壁均蒙塵風光不改
當年跡壯觀家園十萬春

練溪漁艇

十里清流漾素羅小艘網罟弄烟波賣魚沽酒醅酌歌放櫂
鳴榔欵乃過綠水青山相上下白蘋紅蓼共婆娑緩隨鷗鷺
洲邊泊一任江湖風浪多

落石釣臺

天斲雲根殞碧湫幽人坐據獨垂鈎四時勝槩景長在千古

高風溪自流綠柳丹楓相掩映紫蘋青杏共沉浮子牙老
子陵逝都把興亡付白鷗

玉几環青

誰拋玉尺枕寒流知是醉翁忘卻收排闥嶙峋開卷畫連屏
嚶嚶繞重樓瀟瀟雨霽風光潤漠漠烟凝黛色浮欲買當年
靈運屐尋盟賞約恁嘉遊

松蘿擁翠

卓拔峻嶒固不遷木公偃蓋兔絲纏纍翡翠透迤日轟轟
瓊琳高插天陰谷霧凝滋豹隱晴岩雲合護龍眠試將不律
丹青染妙絕王維畫輞川

總題

懶散家園樂考槃箇中佳致許多般練溪落石供清玩玉几
松蘿壯大觀美俗重門閑雅肅宣仁故里恁盤桓芝山嶽府
兼竒迹都付丹青着筆端

五世

宋肇公濟字伯川宋太祖開寶戊辰九月生宋仁宗明道癸酉
十月歿葬五都普杭未向配洪氏葬即思甲向六子居成屋
上屋仁屋正屋立屋道傳曰宋肇公孝友恭讓君子也御事
多竒中士無賢不肖皆屬之江淮間聲藉矣厥後子姓翩
翩說者謂為作善之應云弟濬字伯原以耿直聞後遷於汴

家焉

六世

涇流公屋成字志學宋太宗至道丁酉十月生遷寧國涇縣宋山傳曰涇流公性秉淳龐欵：朴以忠者至於衽載惇叙是謂古君子矣

處士屋上字志高宋真宗景德甲辰六月生宋神宗熙寧甲寅六月歿葬二都楓林園丁向配吳氏葬五都黃斜祖墓之側二子暉宗傳曰處士孝友天至輕財利不自予世謂義俠歲飢賚粟存活者數百人作德冥：非欵

處士屋仁字志廣宋真宗景德丁未三月生配汪氏同葬五都黃斜一子孟宗傳曰處士豁達多林是寧廉直以自清者若其解難息紛億逆屢中此其智誠有以過人矣

四友公屋正字志大宋真宗大中祥符辛亥四月生配曹氏同葬郎思二子昭明俊明遷教寧傳曰四友公剛介不媮非喔呀以追曲者比領郡椽薄歸就賈齋用日饒是又不自以身為形役乎

處士屋立字志亮宋真宗大中祥符甲寅二月生配張氏葬二都楓林園二子恡惇遷王川傳曰處士持重謙抑世謂古典型云遇事信果不侵然諾家以內人人著蔡巖君也義方之訓休矣

隱市公宗字文達宋仁宗天聖辛未二月生宋哲宗元祐戊辰十二月歿葬苦竹王家林寅向二娶皆金氏俱葬曉角上干心三子淳淑津傳曰大直善誦道固委蛇隱市公之謂耶臨財廉與友信鄉閭固推之矣至事親以孝接族屬恂如也美哉可以風乎

七世

樂義公昭明字文晦宋仁宗天聖己巳正月二日生宋仁宗康定壬午六月八日歿葬瑠瑯乾向配吳氏葬五都郎思金索塘兌向四子佐章忱誼傳曰以余稽於古者樂義公無遺行歟黨塾士林莫逆甚矣少勤慎以幹盡稱楊善隱惡其天性

也詩曰溫之恭人為德之基公寔有焉

無求公俊明字文亮宋仁宗明道癸酉三月二日生宋神宗熙寧壬子六月二十日歿葬五都郎思配吳氏二子詵詡傳曰公古之遺愛也質直無城域以多能著至於外家諸書且兼嬪也本末克一之矣

八世

志清公津字廷濟宋仁宗嘉佑丁酉二月生宋徽宗大觀庚寅四月歿葬楓林園丁向配程氏葬苦竹巽向二子復必進傳曰志清公不以身之察受物之汶汶乎操履机警黨塾構隙者皆質成焉嘗聞之王公彥方以義行著致牛盜曰乞不

使彥方知之公高誼若合符也公固其苗裔也

叅軍團練使詡字廷信宋哲宗紹聖乙亥九月四日生宋高宗
紹興庚辰十一月十一日歿配吳氏葬汪坑五子俊操威性
仁繼業氏與公同葬五都郎思一子椿傳曰公磊々多才礼
義制事心也天下士爭友之兄諱詵弱冠成進士中州與蘓
公東坡稱石交一時謂雙難云

九世

存古公必進字俊英宋哲宗元佑戊辰十月生宋高宗紹興辛
未正月歿配汪氏同葬一都楊小塘甲向五子昇三益敬則
中孚熙傳曰公猶行古之道也推赤置腹間右且心歛之才

敏周練無遺行今人固循規矩而改錯矣

處士日進字彥先宋徽宗政和乙未三月二日生宋高宗紹興
己巳正月四日歿葬下卷庚向配蘓氏葬一都斲石乾向二
子震瑞傳曰處士天資敏慧人也少岸異勝冠持著巨會業
益隆々起家以內稱能子矣御人峻急人信之彼其忱格金
石者素也

十世

宣議公熙字赫正宋徽宗政和辛卯九月生宋孝宗淳熙癸卯
七月歿配曹氏同葬七都松嶺壬向一子佐傳曰人情莫不
欲逸以身教者難哉公幼岐嶷既壯識度恢達庶務錯綜必

身先之閭閻族屬之閭啣其義而頌其德者有自來矣

近川公瑞字德祥宋寧宗嘉太辛酉五月二十一日生宋理宗淳佑甲辰二月六日歿配程氏同葬一都查石戊向四子誠文年慶傳曰公固希世度務者歟勤儉承家日振邈其時庭闈熙々然也可謂樂且耽矣悃悃無華至今想見其人云
十一世

贈員外郎佐字安國宋高宗紹興庚申十一月生宋寧宗嘉定癸亥三月歿配程氏同葬二都楓林園丙向一子露傳曰天子重一經貽謀選官族之賢能者錫為封翁寵六渥矣公以採訪公贈已如子之爵恂々抑讓不勝恍然大雅君子也好

古道不樂仕進則又蟬脫塵埃者矣

世貞公元慶字善忠宋度宗咸淳戊辰九月三日生元文宗至順庚寅十月二日歿二子龍六配吳氏葬南門外繼朱氏同葬塘舟傳曰世貞公情度淹粹世稱長者解患難憐孤弱不可指計邇人啣之祝曰愿昌其後祿澤無窮其德望槩可想矣

十二世

採訪使箬字世傑器識不群髫年治書過目成誦未冠善文文多不屬藁宋寧宗慶元初領監舉己未偕邑人蘓如圭等五人中曾從龍榜進士授衢州文學以郊祀恩授迪功郎轉江

寧簿擢儒林郎銅陵丞歷太平建康軍節度推官改廬州觀察推官召為大理寺丞開禧二年陞朝議大夫廣南東路採訪使拒任時值亢旱躬禱甚至糞平儲倉粟賑飢全活甚衆以廉謹稱民無冤抑上下推其賢能尋疾乞歸宋孝宗淳熙丁酉正月十八日生宋理宗嘉禧戊戌三月歿配夫人汪氏淳熙丙申二月十三日生宋理宗端平丙申歿同葬七都松嶺四子之鳳之圭之賢之慶傳曰余觀載藉所稱忠孝之士未嘗不掩卷太息而興起也採訪公賢勞王事任廣南賚粟賑飢夔孺慕且昉狄梁公之為人也移孝作忠非耶隴之旁有株木相傳幾千歲產株大如栗嘗聚後六七輩抱不能合扶疎翳蔚可甲江左萬曆乙巳枝苗子弟以利見殘公之靈其有鑒乎於戲惜哉

望雲思親序

揚州刺史八十翁林以清撰

新安為鄒魯之邦民生其間習其教漸其俗被其化者莫非聖賢之事故於忠孝之道以身体之此望雲思親圖所由作也休寧王公世傑積學善文登慶元己未科曾從龍榜進士嘉定間授廣南東路採訪使政事廉能一日奉命出巡廣海越歷山河於時親老倚閭瞻望靡及而定省音問之曠溫清甘旨之違有動於中遂即狄梁公登太行山望雲思親故事以寓其意而古人雖不可見其意寔有契於古人縉紳韋布

之士咸為播諸歌咏洋洋盈耳俾予叙其篇端予嘗登太行
眺河陽之境無山川之限則每望雲思親如親舍之在其下
凝睇徘徊而不忍去未嘗不覩物思人而興諸懷也故序曰
廣海之介休陽翠岫千層白雲萬里王公一舉目之間峯巒
群矗片影孤飛斯須變化如黃裳如蒼狗濕而出岫者既
漠然而無心舟而騰空者亦忽然而寢態王公思親舍之
在其下亦以太行之望河陽者乎予何言哉抑休陽之與河
陽其地雖異王公之與梁公其意則同蓋常聞公之秉鉞也
士民荷如父母中外仰如神明每欲委身以殉國期移孝以
作忠則所以蹈夫古人之舊轍者其庶幾矣又豈拘於雲

樹之思哉君子謂夫王公之生也出晉太保公祥之後居東
南鄒魯之邦聖賢之事忠孝之道必身體而力行之詩曰王
事靡盬憂我父母斯圖之以見王公之心矣是為序

壽採訪使王公

勉學陳 晨撰

官業人多有惟公福壽全身通文武藝人羨子孫賢柱石兩
朝重冰霜一操堅明公當六袞趨侍捧金船

贈採訪使王公

金紫煌煌耀古先平生忠孝格中天信如宦達培根本贏得
芳名百世傳

提領六十字世良元成宗大德丁酉八月六日生元順帝至正

戊戌三月十六日歿配吳氏大德己亥二月十一日生至正
辛亥七月六日歿同葬二都花園二子元一元二傳曰公固
牧御之才也丰標魁傑善幹濟令守營器使焉好書善散財
則又俗吏所羞矣

十三世

朝議公之鳳字明澤宋寧宗嘉定癸酉年生宋理宗元慶辛巳
年歿配吳氏同葬普杭二子珍琳遷上里傳曰今之人隱忍
逐錐刀者數；然矣公廉讓不事机變下至臧獲方且有息
以相接也至以賢良應詔高尚不仕抑謂道義重則輕王公
乎

聘君之賢字明德以村藝授蔭補例宋理宗紹定庚寅二月生
元武帝至大己酉八月歿配葉氏同葬一都上干心辛向一
子真傑傳曰聘君仗義自高取予致嚴一个冲約清遠與物
且無競也語曰澄之不激和之不流其聘君夫

太學生元一字萬六元順帝至元己亥正月二十一日生洪武
乙丑五月六日歿配程氏同葬二都梅果園一子敬一傳曰
礼莫大於收族况兄弟乎萬六公義篤井里提衡睦鄰直思
躋之陽春也同氣聚廬老死無異產即謂王氏多彥方可矣
大使元二字萬九常從內翰撰胡醇集行世長於幹才邑舉賢
良大使至元丁丑三月初三日生洪武己巳四月十四

日歿配程氏同葬二都楓林園二子正一正二傳曰銅龍石渠間世謂作者之場矣大使公擅藻蜚聲人稱玉筍班云家富闡閭緩急悉賴之否與不侵庶幾季布一諾矣

十四世

兵部典牧真保字德潤元仁宗延祐初以經術舉提領丁卯授兵部典牧時以能稱元世祖至元甲申四月初八日生元順帝至元丁酉十月歿配夫人許氏同葬曉角麥祁村丙向再娶唐氏葬二十七都苦竹王家林巽向二子祖壽愈壽傳曰士自一命而上立乎人之本朝而道不行恥也典牧公以經術起家勤勞善事繁劇巨細以身先之斯謂古循良矣

處士琳孫字翌明葬楓林園傳曰所貴乎士者為人息難解紛也處士仁義敷俗禮教傳後閭野暴桀往往以雅鎮之此所為身居離亂而以令終者乎

隱川公敬一字端卿元順帝至元己卯二月十六日生洪武庚辰正月十八日歿配程氏同葬查石傳曰隱川公周於才者

崇德睦宗鄉譽率共歸之畧儒雅而多豪舉固其天性然也處士正一字端行元順帝至元辛巳六月八日生洪武壬午十一月十一日歿配金氏同葬欄塘傳曰處士世名長者偕時周旋皇々恐先緒之或墜也衆寡大小一皆以禮先之精星

曆諸書更崇釋部抑欲空四大遊無何有者乎

貢士正二字禪二以貢補入太學元順帝至元丙戌二月十一日生元順帝至正乙未四月十三日歿葬二都復汝溪配吳氏葬二都塘舟二子復一復二傳曰公其無競君子歎志廣善博士家言德業文章嘗兩高之遐齡尋社自遠葛天氏之侶亞矣

十五世

教諭祖壽字彥益國初選入邑庠明太玄法言洪武乙巳再舉賢能赴京授鳳陽府五河縣教諭五河自沿革以來學政未舉教諭言於兩司廉秀雅生徒四十餘員十年間預科貢者過半教鐸有聲曰吾道東矣又嘗經營黌宮館廩俱備當道

嘉其才移檄分理庶務立教民條約十款憲臺以賢能獎勵之擬擢顯職未就而卒於任增廣生員卽成等治葬於學宮之傍洪武戊午年十月也元順帝至元乙亥正月十五日生配吳氏至元丁丑生戊寅歿葬麥祁村丙向二子兆童添童萬曆癸卯本之姍友戶部汪公可進督課鳳陽移文五河縣增飭墳塋縣尹載一松拓地二畝築塚圍墻立碑樹坊率本學教諭陳王義訓導教鯨暨生員張汝舟黃學顏等詣墓致祭汪公復遣懷遠衛千戶王學詩賚文攝奠其修塋具奠公文一宗鈐印粘卷付本家收貯傳曰子興氏曰教人以善謂之忠故君子莫大乎與人為善教諭公有焉五河當沿革之

時風氣未振矣公舉子遊氏遺澤克身翊之樸棧菁莪之化
抑何知也五河人士至今猶誦廣文有王先生云

祭五河教諭公文

喬孫宗本撰

繫維吾祖懿德天成箕裘演緒山斗蜚英為士林之翹楚應
帝里之賓興五河授職四教馳聲樂育而菁莪競奏鼓舞而
桃李崢嶸蘓胡匹美賈董齊名胡昊天之弗吊竟怛化於蓬
瀛羶寒道夏紼歸途濼致悠々之旅魄等落々於晨星孫本
不類苦困一經令衡陽而心隨鴈唳佐衛郡而淚對泉傾欣
逢親厚為闢榛荆表玄臺於序側封夜室而勒銘茲承 王
事假步山扃白雲秋水曷克馳情願乾坤信美莫非吾土而

祚胤昌熾雖死猶生夫何間於遐邇抑奚鬱乎佳城激育於
俎酌醑於觥一以闡先靈之昭著一以蘄後裔之繁榮祖魂
飛越歆格厥忱尚饗

經歷愈壽字彥銘元順帝至正乙亥以春秋游郡庠洪武己酉
照貢士例赴京候選授山西大同府經歷司經歷任事有聲
失朝儀坐事者二百三十三人夜忽雷震 上御謹身殿諭
之曰朕躬及責所以敬天之怒尔等文武群臣恪守乃職無
獲戾於已即下詔罪無大小咸赦免之公亦復職丙辰吏部
遴選有才能者取用選隨 欽差廣東道巡按監察御史王
照刷文卷王甚器之元順帝至元十五年三月三日生洪武

癸亥年六月一日歿配夫人汪氏至元戊寅二月初一日生
洪武戊寅正月初四日歿葬王家園祖墓之側甲向二子相
童承童傳曰朝家草創之時罹令甲者黜矣公任政理解杜
私謁人無怙二天也公其明決循良者夫

慕溪公齊甫字思齊祖居邑中南市宣仁里元季兵興公避地
邑西梅結源之朱家充國初遷尚里傳曰慕溪公劉介不淄
士夫秉直疾邪人無病偏中者國初遷業諸人藉公保簿者
甚衆流離展轉之中從民望也

處士復一字初翁元成宗大德癸卯二月六日生洪武甲子三
月四日歿葬許村坦甲向配程氏三子理珥珊自教寧公屋

朱川傳曰處士徽聲懿德章々著睹聞矣不具論獨其虛懷
下士喜結宇內知名者微古豪傑不及此俗信巫處士以正
持之其亦好客之力夫

慕山公復二字惟中元成宗大德丙辰正月八日生洪武辛未
五月六日歿葬二都楓林園配柳氏一子相童自教寧公屋
十四都約山傳曰慕山公端懿好義尊賢謹取予斤々然勿
顧勿視之遺風焉書曰無及無側王道正直慕山公是訓是
行矣

十六世

隱林公兆童字國祥有司以人才舉不就元順帝至正丁酉九

月一日生正統癸亥九月二十四日歿配金氏宋吏部尚書安節巴山公裔孫仲祥之女洪武戊申八月二十九日生永樂丙戌十一月十九日歿二子強宗和宗傳曰隱林公素以孝著按其時事父懸弧筮宦母金氏相依為命蒸；然承顏聚百順也王氏別駕公祥古今論孝必歸之公稱無忝祖德矣

五溪公添童字國寶元順帝至正己亥三月十八日生永樂己未八月三日歿配張氏一子畏德居桐城傳曰五溪公隱君子也舉賢良不就屏跡市朝是謂高尚其志者好博綜郡邑有義舉必捐囊佐之仲尼曰見義不為無勇也五溪公所恥

矣

處士相童字國瑞元順帝至正乙未六月十一日生永樂壬辰四月歿配趙氏同葬王家園甲向四子大同復興干進高付傳曰處士生時多變矣保世滋大寔克承之時謂令士善臧否獎飭人物人多景慕之也固志汝南月旦歟

去淳公承童字國珍洪武庚戌四月八日生宣德癸丑八月十九日歿配趙氏同葬二都楓林園申向二子高蔭晚成傳曰去淳公淡泊好俠邊幅不飭急人之難戈茅之家勿論也嗚呼吾觀郭解才能不及中人古今言俠者多引以為名去淳公其流亞歟

隱樵公存理字仲益元泰定泰定丁卯二月八日生洪武癸酉三月三日歿葬溪西配劉氏一子允得傳曰隱樵公好義篤學幼善擗挾既長絕跡杜門不介，赤幅為文莊墨之雁行也個儻樂行其德文行固兼之美

貞士仲珥字惟玉元順帝至元乙亥三月一日生洪武乙亥二月五日歿配朱氏同葬後塘庚向傳曰逸之時義大矣哉貞士居隱不事朝華采榮高山可矣書曰惠迪吉從逆凶致，不去口實也是謂總修百行耶

處士仲珊字惟珍元順帝至正辛巳二月五日生永樂壬辰三月十八日歿葬朱村丁向配任氏三子鎮高全傳曰客說信

陵君曰公子有德於人願公子忘之處士濟物固德色夫有所受之耶庶靜默浮靡履險蕩，無滋感也幹撼樞軸優矣典史仕和字惟義洪武乙亥擢為新安衛令史永樂己亥 欽授江西南安府大庾縣典史羈宦思親有陟岵軒歌行世告歸構雲巖書舍自遠歿葬苦竹巽向配吳氏一子中原傳曰公古之純孝也懸弧四方不以升斗忘親悲歌孺慕是謂三公不易乎靖共賢勞王事求忠於孝然矣

陟岵軒歌

陟崇岡兮望故鄉山隱伏兮雲飛揚吾親舍其下兮髮蒼，遊予思鬱挹兮熱中腸温清誰問兮甘旨誰嘗欲徃從之兮

道阻且長公事倥偬兮我情曷忘願親獲福兮俾壽而臧繪
 而為圖兮常目在前臣文以詩兮孝思懸且歌且謠兮思
 浩如天庶榮寵擢兮與祿養以無愆俾太原之遺烈兮緒
 益大而弥傳

讀陟岵軒歌贈詩

教諭澄江包 嵩撰

士心由秉彛奉親期養志如何百年間心願有弗遂三釜之
 為榮掄材方歷試職守慎厥司朝夕靡違事嚴尊居故山慈
 侍早違棄望雲重興嗟揭扁寓深意升高難釋憂含情屢凝
 眸為國敢憚勤終養奚有二事親與報君忠孝同一致詠彼
 陟岵篇潛然為流涕

又

豫章陳亢宗撰

高堂嚴父髮如絲遊子京華久未歸千里夢回明月落寸心
 望斷白雲飛愉顏未得晨昏奉陟岵空歌感嘆思他日佇看
 膺祿厚壽觴階戲綵萊衣

題雲巖書舍詩

四明臧孟庠撰

雲巖面翠芙蓉結屋談經似隱居溪巷長留高士轍半窻
 都積古人書簾前過兩群鸞靜庭外經煠古木疎十載吾伊
 聲不斷桓今喜見步亨衢

又

精舍層巖下浮雲疊嶂前蔽檐庭樹暗著雨石苔鮮藜藿明

憲傭芸香透簡編鵬程終得意莫歎舊青羶

十七世

拙翁強宗字友亮美姿髯目光如電里中事無巨細多質之曲者即望廬而返家甚饒開拓基業三百餘頃貨錢不能貯者焚其券以餘貲分恤貧困人多德之平居默坐容貌儼然見者驚如神人也絕跡市井人以奔競相引足退不前曰自號曰拙翁洪武庚午八月二十九日生成化丙戌十一月十九日歿葬麥邗村丙向配金氏洪武戊辰三月十二日生天順己卯十一月初四日歿葬尚山巽向二子希聲希遠繼室汪氏葬上千心酉向三子希大希誠希榮曰拙翁高韻冠一時

矣競然不以賢智先人也是以媿夫世之囂陵以自好者語曰知雄守雌知白守黑翁之所為拙歟

拙翁自識

余生賦性與人不侔隨方如規隨員如球毋欺貧賤毋諂公侯聞過則改遇善則謀從善如薰避惡如猶樂人之樂憂人之憂記人之恩忘人之讎非善不交非義不求人取我與人棄我收得之不悅失之不愁事忙如蟻情閒如鷗人毒如鴆我拙如鳩人如楚霸我若莊周功名富貴視如浮漚光陰易過歲月難留龍不冬出螢能夜遊人知寒暑州識春秋昨日紅顏今日白頭向時苑囿已作荒坵英雄豪傑皆不自由世

人礪之惟吾悠之身居霄壤興落滄州襟懷落之鶴髮颯之
心存仁義衷愛清幽觀雲坐石玩月登樓或巡籬菊或泛扁
舟有室如斗有池如溝有時吟咏有時歌詠也無肥馬也無
輕裘也無拘束也無珍饈飢時一飯渴時一甌聽其天命萬
事俱休

處士和宗字友廣洪武丁丑九月六日生成化丙戌六月十一
日歿葬麥祁村吳向配許氏一子希賢傳曰處士仁讓不習
脂韋古之淳德何以加焉謙之罔涯矣無患於一朝也書曰
犯而不校公從事於斯矣

處士大同字友宣元順帝至正辛丑五月十一日生宣德辛亥
二月十五日歿配吳氏同葬楓林園一子茂芳傳曰處士博
洽多藝林練達世變恥以周容為度也彼於秉彜有注耳若
其愿樸自律痾瘵視人則又六合一腔者乎

樂山公干進字友洪元順帝至正丁未十一月十一日生正統
壬戌三月十三日歿配許氏四子希帥希華希傑希四傳曰
樂山公內美修能者也篤義重然諾譽固重莊鄭矣博倫力
本其猶三代之民歟

處士高蔭字友善永樂癸未正月十四日生天順戊寅歿配吳
氏繼劉氏同葬楓林園兩向二子希昌希俊傳曰處士克勤
儉推分澹如酬酢善中照耀龐巨細也明達出等夷矣一堂

友于終世無間言感於鵲鷓溪乎

徵君晚成字友成机警好讀法律善解紛省臺屢徵不應正統中邑大夫邵公蒞政舉賢能者以疏民壅徵君疏治民事宜請引目通行以利商賈商賈德焉既老屏屋日以宗譜為念疾革以藁囑其子曰生寄死歸命耳宗譜一舉吾志也尔善繼之為人身長聲清面黑色而麻人號王麻先生云永樂甲午潤九月八日生成化丙午八月十二日歿配吳氏永樂乙未五月六日生成化丙午六月二十日歿同葬二都楓林園壬向二子希洪希浩傳曰人言徵君幼慧強記篇帙了辨如響故名垂縉紳也吾觀徵君以天下為內疾革且以譜族屬

之後入水木本原抑何厚乎藉以厥聲宜耳

耆老永全字守福縣尹虞公舉克耆老洪武甲寅六月十三日生正統丙寅正月十八日歿葬朱村丁向配鄭氏三子祖宗興傳曰古遶齒德兩高推之以風一鄉曰耆老公大直自持剖決兩造忱然愛人以德也聲施上下不亦宜乎嗚呼今之佻巧相尚冒廁達尊則固公所媿矣

處士志道字希孔洪武庚午六月六日生景太庚午九月二十一日歿葬楓樹頭丙向配汪氏一子海傳曰處士恭而有禮者也遜美絕喜愠有唐賈耽之風焉孝友親睦偕螽斯以合食可矣

十八世

默菴公希聲字音福永樂己亥十一月二十四日生成化戊戌十二月七日歿配吳氏同葬普杭丙向一子良傳曰公素稱簡默矣故自號曰默菴敦孝友籌畫巨會子毋無遺策嗚呼假令龍門令而在序列貨殖公必屋一焉

曾大父清老人諱希遠字音壽丰姿偉秀弱冠挾重貲遊秦楚燕齊間凡利不合義者不取既歸不復出關基構慶善堂每以賑貧濟窘為急弘治初邑宰高公聞其賢舉為耆老時蘓余二家以傷人繫獄積年不斷邑宰躬造其廬虛心委之片言立解二家贖金以謝老人曰某平生未常一个取人今可

以此玷我手以故一時府訴者不願批縣而願批清老人縣訴者不願批左右司而願批清老人嗣李令更加委重命掌造譙樓公院黌宮汶溪石梁老人與役同甘苦閱五六寒暑而成公費乏值趙姓者為有力誣告邑令不察其家坐困責輸贖金完工老人憫之白於邑令願傾私帑百餘金以免趙姓名勒石陰比石梁成郡守彭公為題其橋曰清老人落成復汶溪橋云別駕孫弘有詩誌之曰別駕橋邊春色多天時帶竦駕銀河臨風穩聽行人語作者名登德行科邑里傳誦至今不朽邑舉鄉飲大賓正位者四舊有清老人卷誌其履甚悉邑中年高碩德輩尚能道及老人之事者宣德庚戌

五月八日生正德庚午二月二十九日歿一都偉田充乙
 向配朱氏宣德丙午五月二十五日生正德丁卯五月十一
 日歿葬十都尚山已向一子寧側室程氏二子晉聖傳曰清
 老人可謂至德矣汪公鼓樓記誌之嘉靖間纂誌欲誌之萬
 曆丁未葺誌公誌之直道不泯固如此袁七澤有言曰人累
 一世之德以一世報十世之德以十世報老人食報何如哉
 是吾所望之亢宗者

清老人傳

六水陳有守撰

老人姓王名希遠海隅城南人也生稟質直群言咲閉，嘗
 事強執雖親交無所嬰情僉服其公平以為真彥方流裔也

邑大夫憐其行辟為老人聽獄訟晨夕披讀與大夫論是非
 言議侃々或至批鱗大夫亦改容頷之直聲震鄉邑承檄勘
 覆論報罔訖於威富請托不行司厨傳按日曆直書貴人恢
 愕脩葺官寺綜理詳密雖竹頭木屑人不敢干以私由是赴
 遯者咸頷乞署清老人卑得吾情忘寬忘憾故閭里老少不
 以姓字稱公咸呼曰清老人清老人云老人生平執事能敬
 至於耄耋不衰授事嬰疾猶強起質疏既成然後伏枕瞑目
 嗚呼古稱夙夜在公寔難其人老人非若流耶斗下史曰粵
 考國初典故老人歲時入朝陳言州縣政治得失 帝鑒本
 賢建官授職或由州縣薦登臺省真有唐虞揚明側陋之風

使清老人生當其時言議風旨簡在帝心承流宣化垂芳竹帛烏難致也惜也披褐懷寶終老牖下然其清風襲人洋洋百里浚浚四三十年人猶思之不忘則其陰德冥冥子孫世食其利必有賢者歟公之幽先考諸天道左契當如是也予齟齬時猶及見公之風儀聞老長稱公之素履雖在顯蒙不覺悚然起敬迨長閱世故竊謂州縣從政以官為家老人在公以市為道愈嘆老成之不作而韋典刑之猶存遂忻然為傳彰之嗚呼世有知者不將聞而興起乎

休寧縣人物志傳

王希遠美俗門人務濟人緩急弘治初高邑令舉為耆老會

蘓余二家久訟獄令委老人片言立解二家賣金謝却之一時訴郡縣者咸願下老人浚邑令更委重邑歲乏急贖金有趙姓者為誣訐令責輸贖老人憫之為白令老人故誣之勉傾私帑百餘以實歲邑禮之上賓者四呼清老人云

容贊

鄉進士教諭子壻金 罷撰

龐眉皓首深衣幅巾以義處人以禮律身跡寄市廛名動縉紳分理庶務為當邑之大老舉列鄉飲為正席之大賓歲福不張而槪默似拙是非立決而智見如神其憐貧也有焚券之行其斥奸也有卻金之仁噫惟公也積而不發屈而不伸若鼓用於盛世則梗直之名臣蓋天之施報其大且遠歷八

旬壽考之秩，見四世子孫之繩繩。

孺人朱氏容贊

雪鬢霜鬟羅裳繡帶德全婦道行遵女誡曰勤曰儉而調攝乎內曰端曰莊而制度乎外如周后妃之柔順而子孫衆多如唐夫人之孝敬而家門昌大而宜其享厚養而恬愉歷高年而康泰

蘿山散人希大字音實寄跡江湖交結縉紳作江湖勝覽卷望雲思親屆晚年創別墅於邑之西北三十里為課農之所自號蘿山散人正統丁巳十月十一日生弘治甲寅十二月二十六日歿八都堽充士向配汪氏正統丙辰十月二十九

日生三子麟驥鳳傳曰余觀曩昔遊俠之士高尚相羊未嘗不想見其為人公凌厲曳裾以文墨交天下縉紳縉紳引為上客雖古烈士何以加焉好書能究旨舊作勝覽卷題綴嘗滿德漫未之傳也惜哉

蘿山散人王君墓碣銘

賜進士中順大夫李汛撰

君諱希大字音實姓王氏世為休寧城南旌孝坊人曾祖彥益五河縣教諭祖仕珉考友亮號拙翁俱以隱德聞母金氏有淑行君生異常兒莊重醇謹屹如老成人最為父母所鍾愛及屋外傳讀書知大義見古人高行輒羨慕不已上事二兄下撫二弟篤於友恭之道既壯挾巨觚覽勝閩浙秦楚諸

大藩遇名山大川徘徊竟日弗即去蘇言者多為詩文以杜之積成巨帙名曰江湖勝覽偵財交易非義中之利雖至微無苟取既而謝歸置別墅自適休焉舉天下物不足為之動目自署曰蘿山散人弘治甲寅年十二月二十六日以疾終於正寢距生正統丁巳十月十一日得年五十有八配西門汪氏淑慎貞惠為兩宗楷範子男三人麟驥鳳皆克承女一人適葉文魁孫男四人節全銓鍾孫女二人適邵添助葉杭越明年乙卯九月丙午麟等奉君柩安厝於先隴瑤坑之原坐壬向丙蓋吉兆也葬後若干年麟具狀謁予請書其墓上之碣夫歿久不忘其親亦可嘉已既序之復為之銘曰

一鄉善士四海耆英覽勝歸來別墅載成詔厥子孫惟讀與耕年幾下壽遽掩泉扃善源方濬後嗣永京銘文深刻千載之榮

詩贈蘿山散人

邑人尚書篁墩程敏政撰

行盡江南花月村每逢佳處即回轅
勝遊入眼多成趣壯觀於心未足言
賢聖遺風尊闕里帝王都會建中原
子長兩足知誰健何日重逢得重論

邑庠生希誠字音成正統辛酉五月六日生正德癸酉十二月一日歿配汪氏一子鰲繼魏氏二子鯉鯨傳曰公癖書盤旋周孔世謂學府逾壯委貲昆弟卜室終養依膝下惟重也為世大儒不

負矣

處士希榮字音貴景泰辛未正月二十七日生正德辛未十一月十二日歿葬楓林園郊向配汪氏二子燦琛傳曰處士善竒羸舟漁刀幣祿良焉淳直貽謀以詩禮也過庭之訓休矣轟飲不及亂鄭康成之遺風夫

像贊

進士中順大夫李 汛撰

公之衣冠如秋斯肅公之顏貌如春斯燠得失不縈其心勢利不挂於口為人後賢足以象乎前為人前德足以裕乎後也

復一公茂芳字質甫永樂癸卯八月二十日生成化壬寅七月

二十一日歿配吳氏同葬洪水塘庚向傳曰復一公淳謹恥偷玩世稱不苟長者善語言排人患難無跡磨甃堅也斯謂有德者必有言乎

復三公希華字得榮洪熙乙巳七月十九日生弘治壬子六月二十一日歿配葉氏同葬王家園丙向三子英林森傳曰復三公洒落有大度脫俗清談不遜晉人王謝家好讀書事親奠祭以禮此謂節行標致者矣

復五公希傑字得盛宣德辛未三月十六日生成化庚子六月七日歿葬查田配汪氏二子茂蔭傳曰復五公率簡善手談一宗晉氏家法與人介直藹然無忤俗也汪 善千頃矣

處士希昌字道昌正統丙辰正月十日生成化丁酉五月三日
歿葬羅山配汪氏二子付真添送傳曰古稱忍恥含垢寔天
之道處士恂々自檢橫逆置不校也賢於博浪一擊几墮火
索之手者矣紹先緒克勤瘁則又處士之餘事耳

耆老希洪字文英邑宰李公舉列耆老正統庚申十月二十日
生正德庚午七月二十九日歿配汪氏同葬楓林園三子震
隆寵傳曰公恂朴周濠於邪周旋律度一皆以禮制之貫律
書急人猶已語曰天下有違尊三公固兩擅之矣

耆老希浩字文浩英曉角辛向天順己卯十一月三日生配趙
氏葬五都普杭乙向景泰丙子九月九日生嘉靖戊子十月

四日歿一子社興傳曰公博審好脩簡拙自守世人目曰專
愚周人困急捐踵頂為之至其譜族一念致：肩荷未遑也
一本之思渥矣

處士彥祖字道隆洪武辛巳十一月十九日生天順甲申六月
初八日歿葬朱村丁向配程氏三子希祥希遠希定傳曰處
士夷易恥設城府者也諧俗無凌厲人；咸敬之至其慷慨
不問家人產自古豪杰出一轍也

處士彥興字有德洪武己丑七月十八日生成化戊戌二月二
十二日歿葬朱村丁向配程氏二子成正傳曰處士顯孝鄉
以善名與士忠藹然遊於和也庶幾威而不猛者乎肅直不

惛邪蠱夙夜惟寅有素耳

處士海字會川宣德丁未四月一日生弘治戊午五月十三日
歿葬新坑良向配程氏一子佛祐傳曰處士芳華中出者乎
秀奕風姿碧落古稱白玉不琢質有餘也遵道博極群書王
氏青箱不虛耳

十九世

耆老良字存義正統乙丑年九月二十日生配汪氏二子璽珏
傳曰公廉謹不尚爭鬻茂實歲蕤宜矣莊直善解紛人難干
以私也依倚市門而心如水乎

先王父義官諱寧字存鎮號練溪隱翁以義持已嘗割田鑿井

構亭署曰湧泉嗣建屋樓置汝溪別業恒遊閩蜀秦楚齊魯
燕吳之地有江湖適趣卷脩葺譜謀志篤元宗天順壬午三
月二十六日生嘉靖甲午九月初七日歿配吳氏天順壬午
五月二十二日生嘉靖乙巳十一月二十三日歿同葬澤林
山三子弘廣恭傳曰吾祖甄錄靜退者也宏直卓犖自飭幾
於先民之遺矣捐橐舒國禦寇扈行在惟董也匪躬之志自
古嘉之

江湖適趣卷詩

郡人狀元唐 臯撰

卓犖襟懷美丈夫半生踪跡遍江湖交遊舉世皆兄弟風景
滿眸俱畫圖巴蜀雲儔通七澤荆楊烟樹接三吳匡坐井

休寧宣仁王氏譜

百七八

觀天者惆悵同生却異途

又

寒溪方大古撰

少年志氣邁英猷一旦乘槎海上遊
風月四時供逸興雲山萬疊豁吟眸
瑤琴按膝驚鸞鶴寶劍懸腰貫斗牛
自信江湖瀟灑客幾回醉倚岳陽樓

贈隱翁漁樵耕讀序

進士中順大夫李

汛撰

夫天下之人所處不同而所志則異
所志則異而所樂亦異故太公之釣於渭水
伊尹之耕於莘野傳說之隱於傳巖是皆得所處之地所志之樂各有不同也後世之士以隱為高者則流於索隱以身自潔者則涉於荒唐此士之所以不得

中行而志之所樂者率不免於絕世離群也休陽練溪有隱翁曰王存鎮氏其世出自周晉王裔讀書好礼誠信謹厚邑侯常以鄉飲舉之正德己卯輸忠報國有司以義聞於朝而以冠帶榮之不樂仕進乃築室於練溪之上而以膠鬲魚鹽之事日相貿易致富不貲誠商賈之翹楚也日往來溪僻獨得漁樵耕讀興乃繪其圖索予文以演其義予惟人生天地間志之寄傲者各有不同其耽於富貴者以利祿為心恬於隱遁者以高蹈為尚是皆不得其正而君子之所弗取也且漁者出沒烟波樵者披冒雲霧耕者躬秉耒耜讀者潛心簡編古昔聖賢之所尚也易曰樂則行之憂則違之遁世無

聞不見是而無悶乾初九之爻其得之矣今王君以是四者為樂是雖居儔人之中實出儔人之上蓋其所樂又不出日用之常其持有以心古人之心樂古人之樂也時乎漁也則垂竿練水而得鱗鮮之美時乎樵也則斧斤入林而得炊爨之需時乎耕也則白衣蒼狗而適有秋之望時乎讀也則潛心義理而探聖賢之奧如是則王君身心之間風月無往而非泮渙之境則將輕勢利如浮雲等功名如蝸角視彼朝秦關而暮燕關者不亦徑庭矣乎予之所言蓋欲期王君漁樵耕讀之樂尚友古人超拔流俗可以為天下隱士之法而不限於休陽云故書以進之是為序

隱翁像贊

進士尚書林 渙撰

謂公隱耶雲水自適丘園是貴指恬退以為高恥奔競而為利謂公仕耶贊棄帛貴而收禦寇之功奉迓鸞輿而致匪躬之志捐橐舒國步之艱烏紗束天寵之異噫是所謂樂不改於窮居心不果於忘世者歟

孺人吳氏像贊

肅乎其容淑爾其質才克出乎流輩而異順著於家庭教不出於閨門而聲譽溢於鄉里秋風肱貽桂子之金懸夜月明美蘭芽之玉立噫是蓋懿德之有嘉而致餘慶之無已也歟

先叔祖處士諱晉字存釗成化甲辰十月十七日生配程氏一子道傳曰處士溫恭翼，儉然古魯祀也川觀善堪與麻衣流亞然歟孝友靡他此岡之慕焉哉

先叔祖處士諱聖字存鑑弘治己酉三月十三日生葬一都上千心辛向配吳氏二子智武傳曰處士翼，小心者歟周內善慮始是稱臨事而懼者持重無侮容則又輕曳所風矣處士才字法昇壯歲妻卒不娶成化壬辰二月二十九日生配金氏三子瓚璜璠傳曰處士純淋好行其惠族屬堂構捐索佐之恐後也微古慕義不及此勝冠鰥處不復室宜爾室家孰大於是哉

處士鯨字存敏弘治戊午五月十一日生配汪氏一子佛保傳曰幼而無父曰孤生人最不幸矣處士早失怙斤，自立物論崇之事母孝臨財毋苟得也美哉之以嘉矣

桐岡公鳳字存儀成化丙申五月二十二日生配汪氏二子銓鍾傳曰公端朴善與人交吳楚閩蜀間縉紳皆爭執焉勝冠構輪奐克大而家世稱能子好書善鼓琴休哉恂雅士乎

義官麟字孟祥號瑞峯壯挾巨貲遊閩蜀淮浙秦楚間以義著老歸構宇大而門署其額曰遺安刻有先世蘿山散人集行世海內縉紳贈詩歌盈帙孝親睦族人重之嘉靖甲申邑宰李公舉為義官賜官帶郡守張侯加其廉謹舉督廉惠倉

祠有功名立碑陰成化己丑九月九日生嘉靖甲辰三月二十三日歿配汪氏同葬一都楊後一子全傳曰公少慕義壯篤義老行義復官於義故今歷數十禩比閭族屬猶稱有義官瑞峯公云

像贊

翰林經筵官亞中大夫汪玄錫撰

出三槐之胄生全盛之時偉幹長髯江湖之所罕覩豐才厚德鄉黨之所共推親賢不倦見義必為故其父之讚於先者盈箱挿架足以彰祖宗之美業之垂於後者高堂沃土足以為子孫之資也

又

進士中順大夫李 汎撰

豐然其貌美哉其髯平生足跡江月湖烟賓以射飲官以恩霑無驕人之習有重士之賢若孟祥者可謂生於廛而不染於廛者歟

墓誌銘

進士通議大夫江 曉撰

瑞峯王翁休寧處士也其曰從仕即以恩例而授之也予未覲翁其曷以銘厥子全祈之也曷為祈之厥孫宗賢槩予姪臺學同師也厥師何趙子文德也予弟景昭以同庠故臺師焉是以胥介而祈之且以厥考蘿山散人錄示予展而誦之曰於顯祖藩伯府君贈言昭焉夫覲子可以知父覲孫可以知祖覲贈言可以知世誼矧司後東峯汪公所叙狀豈有明

徵昌其弗銘翁諱麟字孟祥瑞峯其別號也厥先著望太原
越漢魏晉隋代有顯者至唐觀察使仲舒避亂徙徽之休寧
居焉高祖曰壽仕為五河教諭曾祖曰龜童祖曰強宗父希
大別號蘿山散人皆隱以終母曰汪寔司徒族翁幼穎敏不
羣日誦孝經論語百言不數過輒識時以奇稱稍長有亢宗
志事父母晨夕定省承歡日懋學以期顯揚弱冠罹父母喪
哀號擗踊自含飲以至寔祀無違禮時以孝稱及壯顧家政
滋繁乃輟學服賈遂遊浙閩淮楚秦蜀之城遇名山勝槩即
登眺詠歌以舒志述懷罔囂訖之從時以雅稱自是業日以
裕猶深歲若虛不尚奢麗且蓄而能施凡宗婣黨里有匱乏

則推以調之猶恐弗逮乃倡結義會儲財粟以為賑給需又
恐弗公陳於郡邑建廉惠倉以為荒歉備時以義稱矧重然
諾慎許可人有過則面折之其以不平質者則以理論之乃
罔不誦服時以直稱郡邑廉厥行延以賓鄉飲尋以奉例受
服視七品階從仕即逮者乃營別墅於屋旁蒔芍卉儲圖書
日優游玩閱以自娛時以恬逸稱允有取父蘿山散人之遺
風焉乃以所藏諸縉紳贈言曰江湖勝覽曰石闌別墅哀而
粹之用彰先德時以繼述稱肆心日休休日健壽日臻越嘉
靖甲辰三月二十三日倏有微倦乃曰歲在龍矣吾其已乎
遂端坐而逝時以知命稱厥生於成化己丑九月九日年七

十有六配曰汪夙懋厥相子一即全克家勵行女二長適邵
 添助仲適葉芝孫男三長即宗賢懋學辟雍蔚有決科望仲
 宗興季宗典胥競爽時以祚胤稱易曰幹蠱用譽又曰素履
 往无咎詩曰率履不越又曰令德壽考書曰子孫逢吉又曰
 攸好德考終命其翁之謂乎徽俗泥相毛鮮以時寔翁預有
 憂焉願謚陽山之原堪輿協吉爰營壽藏以俟茲筮乙巳九
 月二十五日昇輜而窆焉肆用識之以敦世誼匪直昭潛懿
 爾銘曰

維宗之碩兮洵顯且真兮適令緒其有繹兮維行之毅兮洵
 惠且睦兮適令終其有俶兮維胤之良兮洵熾且昌兮適令

譽其有章兮

贈王瑞峯公詩

進士中順大夫李

汛撰

一葉蘆花到處停幽踪誰咲等浮萍眼中塵土空溟濤胸次
 烟波小洞庭巖老不移光武詔玄真曾著魯公銘百年人品
 君何似不是仙風即客星

處士鰲字存德成化庚寅十一月二日生嘉靖癸未正月十日
 歿葬楓林園乙酉配韓氏一子雄傳曰處士蘊靜言咲不苟
 恂，如也宅忠信築室杜門古謂市隱其人歟

處士鯉字存信成化丁未八月十一日生嘉靖丁未十一月十
 九日歿配吳氏繼汪氏一子肅傳曰處士夷易近人薄挑曳

厚重少文非乎幹蠶盡友于志且鍾丘壑也猗歟飭行君子矣

義官琛字存仁號心齋好義家富於財築室絕俗室具圖籍琴奕日與名人吟咏自娛嘗曰古人所調菟裘焉吾於此以終老可也嘉靖甲申勸分例下公曰君為仁而臣為義可矣輸粟賑飢恩錫冠帶不受邑宰強之乃就成化庚寅九月四日生嘉靖甲辰三月二十五日歿配吳氏子二澤洪傳曰古曰人棄我取人取我予白圭用之以富公幼岐嶷長復淵默揆貲荆淮吳越間持價不貳薄賤丈夫壟斷行卒以富終以義著古謂頓之富師蠡公之富其殆師白圭歟不然厚實名高

公何兩擅之也

竹泉公琛字伯獻成化乙巳潤四月十一日生配邵氏二子淮浙傳曰竹泉公瀟洒塵外者也淳篤復慷以慨交傾縉紳宜乎孝親善睦族則尤制行之大者

贈竹泉公序

翰林院祭酒張邦彥撰

王君琛字伯獻裔出唐文靖公後先世自宣城徙歙黃墩遷休陽城南世濟厥美至伯獻雅好清致嘗於玉几山南引泉鑿池而種竹其上友人侍御程子時言為扁其室曰竹泉擬德也伯獻遊江湖拉四明四明之士愛之為賦竹泉詩以贈至成鉅卷甬川張子讀之喟然而嘆曰世固有善觀物者

乎何其獲我心也今夫竹通而節勁而理圓而貞瀟洒而不
浮挺峻而不峭故詩以興武公而白太傅稱以為賢非過也
今夫泉靜而發曲而邃深而夷漸而至清而不矯虛而任物
柔而不可禦旁行而不可狎故易以象育德而柳子厚號以
為愚非誣也予嘗南游瀟湘北眺淇澳觀所謂竹與泉者超
遙乎若鳳鳴層巔而鯤遊大壑身無俗之可翳而耳無塵之
可洗庸詎知伯夷原憲不與我同時也昔者莊生觀泉而遺
竹王猷愛竹而遺泉今伯猷乃兼得之世固有善觀物者乎
何其獲我心也第未知休陽竹泉於湘江淇澳何如爾色君
子茂告我曰芝山古城諸峰東環松蘿北拱西峙齊雲南瞰

玉几落石之臺崢嶸天表富浪之潭隱見日月則於湘江淇
澳亦庶幾矣夫惜乎吾未及入其山翱翔枕漱乎其間雖然
見伯猷也與吾四明士之作也固冷然坐我清風碧澗中矣

贈竹泉公記

進士奉議大夫衢人方 豪撰

休寧王君伯猷志尚清雅嘗引玉几山之泉貯而為池植竹
其上歲久漸茂竹色頗蘸泉光仰吞伯猷介乎其間樂而忘
倦余同年程憲副時言目之曰竹泉君伯猷亦承之而不辭
雖涉湖海間亦未嘗忘情焉爾伯猷乃以告諸文人各錫
之以言猶未得予言是歎聞予自江即游歸常山卧雪亭執
礼甚恭致詞甚懇必欲得予言以去乃延之坐而詰曰夫竹

之有取於水多矣人之有取於竹水亦多矣淇澳之萊詠武
 公之進德此以德為學者也瀟湘之班傳二妃之洒淚此以
 竹為情者也渭川牛畝與千戶侯等此以竹為利者也祖徠
 一溪與六人者飲此以竹為逸者也於今何取焉伯獻對曰
 琛也迹乎利矣然不敢溺於利也近乎情矣然不敢牽於情
 也志乎學矣然恐資之未副也慕乎逸矣然恐子之未稱也
 予謂之曰子其善取諸竹泉矣夫竹之心虛也虛則勁；則
 貫四時而不凋夫泉之體虛也虛則明；則鑒萬形而不爽
 虛之為用大矣吾見汝曹之見與於士夫以為士夫率易也
 氣驕而礼亢號侈而辞夸要之皆不虛之所致也今子乃謙

抑若爾殆無愧於竹泉矣乎

贈竹泉公詩

撰花鶴江蔡 昂撰

萬箇琅玕開白板一泓流水隔芳塵綠陰洗硯日常午蒼雪
 隨衣秋滿巾僕射不來林谷靜右軍偏自酒觥頻幾番翠袖
 寒生處獨倚層闌看赤鱗

又

狀元新庵唐 臯撰

棲鳥戀叢林游魚樂深水所以高尚人一心遠塵市愛此玉
 几幽結廬在某趾庭前修竹多戶外流泉瀾翠色蔭塔除清
 光漾總几聲繁夜兩餘節亢青雲裡滴瀝漱瓊瑤珮奕諧宮
 徵清音來坐隅塵襟淨以洗咏詩寫琅玕濯纓鑑清泚棲遲

休寧宣仁王氏譜

百八七

良自娛此樂誰能比

又

進士中順大夫李 汎撰

高人猷市紛結屋深山曲下有冷々泉上有青々竹涼影翻
晴波清聲瀉寒玉食翠仍嗽芳世願淡無欲瀟然臥其間豈
屑食梁肉頰頰張生偏隘不能容俗獨有嵇阮來舉盃樂相
屬日沒鳥投林洗盞更燒燭寄語竹泉翁此趣良自足但莫
如王猷晚貽此君辱

又

寒溪方太古撰

湘江一夜秋壑屋滿屋琮瑋散寒玉主人轉枕夢臺初童子
倚壁猶鼾噓人間萬事夢中夢白日西飛酒盃送安得長繩

繫白日無令之飛鳥之疾蒼雪紛々玉几前玉龍千尺縣蒼

烟我来撫几作清嘯天門峰頂歌游仙

又

愛尔歲脩處蕭然水竹屋猗々環曲榭脈々引通渠翠影凝
雲濕清光動月虛喜回塵事遠盡日好懷舒

處士震字存威成化庚寅六月十八日生庚子二月初六日歿
配吳氏二子賓大傳曰處士恭儉自飭者也忠悃無猜人卒
以禮敬之若筋骨不虛分陰古稱運甍者歟

處士社盛字存愛弘治乙卯七月十九日生嘉靖癸未三月歿
配趙氏繼汪氏一子舟生傳曰處士篤行非信果也端肅非

矜莊也質直非倨野也善言語非諛佞也處士之誼高矣
處士希達字志道正統己未三月初十日生正德丙午五月二
十二日歿葬朱村路頭丁向配吳氏二子岩五岩真傳曰處
士世祿博倫務本者庭訓重義方弗訥於邪遺後以安非乎
雅飭超々無俗韻也交道日廣有自來矣
處士希定字志靜正統己巳正月十二日生嘉靖壬午六月十
一日沒葬朱村路頭丁向配范氏四子岩生岩嵩岩勇岩貴
傳曰處士以孝友聞攷其時終老牖下依々念罔極也慕善
疾急抑方夫思齊內省者乎

處士希成字志美正統己未八月十七日生正德丁卯十月十
九日歿葬朱村路頭丁向配朱氏三子勝厚勝能勝宗傳曰
處士肫々長者恂雅志且樂賢友也語曰見善若驚得士若
狂其處士之謂夫

百歲翁社興字存愛號南渠配巴氏繼程氏二子實時弘治壬
子八月二日生萬曆乙酉五月二十四日歿享年九十有六
人呼百歲翁云傳曰九五福首推曰壽翁何遐齡未艾也按
其生平忠樸急人難由已斯謂仁者壽乎

二十世

先贈奉政大夫府君諱弘字守道號固微別號宣仁子介直夷
易磊落有大志積仁累行攷々惟日不足也業子毋好讀書

有江湖積稿琴書樂意二卷留世世稱廉賈嘗思一經貽後
詔本兄弟輩曰作善無小釋怨無大不克振立光大而家何
具鬚眉稱男子勉之吾遺爾曹止此愚而益過賢而損智皆
坐多財吾固不愿遺用也隣人某貧欲售產橫脅府君府君
時屈于其隣惡聲貽之澣血自經之府君忍隱勉償其售隣
命得存活踰壯前母何氏先卒時難再室自誓余寧鰥處不
忍納敗節婦及得吾母楊宜人聘焉生平孝友自持敦族睦
鄰里急人疾苦不翅身謀揚善疾惡嚴鄉閭黨塾高之厥後
孫子振、綸、綽、兩錫皆謂積仁累行之應云成化壬寅四月
初十日生嘉靖乙卯三月初十日歿葬十都東山配前母何

氏繼吾母宜人楊氏子九宗大宗顯宗耀前母何出宗安宗
海宗本宗紹宗明宗亮吾母楊宜人出傳曰表羊賢者也不
敢誅父余安能為府君傳第憶余生府君時已老矣老而志
益壯嘗思一經善後作德以貽休也用悉次之譜謀俾孫子
克光大之實余所厚望云

墓誌銘

翰林院庶吉士徐師曾撰

宣仁王君者海陽宗安宗本考也兩生以文藝善余、罔文
茲曷以銘兩生祈之也其祈之何彰考懿也曷彰乎考之懿
繹以思之愴以達之於同郡葉君哀以狀之而祈厥銘也夫
銘曰行以顯行曰狀以稽亶其微乎稽諸諱曰弘字守道厥

先出大原在唐乾符中自仲舒公居宣州玄蓮塘避巢寇亂徙歙黃墩遂移休寧東溝六世祖壽秉教五河高祖屯童始遷邑之宣仁里屯童生強宗強宗生希遠即以清老人名世者寔生君父寧也君之世緒彰矣君性豪儻執禮弗為時俗佞昂恒峻折人過而久敬重諾人必目其為古風也君之盛德彰矣幼負奇節雅好讀書然懷膏煎桂伐之慮不以仕進為願嘗挾貲遊湖陰秦淮間結交名勝施與弗吝承厥父嚴命即改薄殖綜懋遷終致業裕以諧親心君之克行克孝彰矣經行齊楚閩越燕趙之墟凡薦紳知名者莫不與游所得贈言盈卷珍之有踰珙璧君之好礼親賢彰矣里之儉夫

有詭訟強售其產者君曰彼利吾財奚以誣上行私耶遂詣公府售之卒弗與較君之洪厚夷坦彰矣晚歲慕香山膝事與里中耆艾結宣仁社雅歌投壺相勗以道觴詠篇釋君每擅塲目推弼宣仁子君之曠達樂天彰矣肆肇生於成化壬寅四月十日溘逝於嘉靖乙卯三月十日年七十有四厥元配曰何同邑德門也晚續曰楊淮陰故姓有子九人宗大娶余宗顯娶劉宗曜娶金何出宗安娶邵宗海娶程宗本娶汪宗紹聘金宗明聘吳宗兆遺腹生聘吳楊出女二長適汪玄佐次聘汪玄祈孫男若女婚配皆名族君之令終垂裕彰矣筮日引輜葬于十都之東山肆銘以賁之禮也銘曰

宣仁皇、懿德洋、勵操祖父嗣服良好禮善施聲流芳德
碩王君挺名鄉嗚呼行斯彰業允康豪逸邁世何昂歲維胤
賢兮慶彌長嗚呼維胤賢兮慶彌長后千百禩無有疆
壽官珏字守堅號南泉成化庚子十二月初七日生嘉靖乙丑
三月二十二日歿配程氏四子宗美宗秀宗英宗芳傳曰公
固勤儉垂後者也剛介負大志聲施秦蜀吳越間有以也
先妣松溪公諱泰字守和弘治己酉正月初二日生嘉靖甲寅
十二月初九日歿配汪氏二子宗喜宗考傳曰所謂富而好
禮難哉叔父齋用日饒溫、下人夫且克儉於家也何貴乎
五陵衣馬自輕肥乎

義官全字守一號南溪弘治甲寅二月十五日生嘉靖甲寅七
月十八日歿配劉氏合葬普杭王家林側室賈氏子三宗賢
劉氏出宗興宗典賈氏出傳曰公富於貲侯於貲者也慷慨
喜交天下士徵古豪杰難之拓基羅珍玩皆累千百緡烏衣
之遺風乎

像贊

翰林院脩撰唐汝楫撰

觀察煌、廣文奕、鍾英露蕊以引以翼南有谿迴鑑有臺
石轍環吳越資斧漸益錫秩即冠以彰厥德世負意氣而持
以抑損世右素封而珍以翰墨秉直方以直時且敦睦以翰
濟孝友相承久交不替毅種心田芝蘭接跡翩、琳琅昭嗣

維則濯纓汝流風斯蘿翳式瞻遺像古人儔匹

墓誌銘

進士通議大夫汪道昆撰

王君名全字守一號南溪季年以貲賜級承事卽其先世居太原唐觀察使仲舒徙休寧宣仁里承事蒙故業客燕趙齊楚間率入浙用鹽鹽起部使者立承事為賈人祭酒諸賈人有郤幸承事居其間遂平居常溫；遇客無所失然務持大体已諾必矜縣大猾某出賤孥橫行賈豎中以口舌構人罪卽世家豪舉爭折節下之承事獨謝猾不與通猾終不能中尋敗死諸豪賈借資貴人往往傾下賈承事主退讓恥與貴人叔於是薦紳大夫皆願請交承事承事適長子宗賢在

胄子籍通賓客京師承事讓宗賢曰而父好客爾若操本業安能為季良邪嗟乎承事籍甚吳越之都游道廣矣願納其子於正義而以任俠替過之善乎其慮之遠也承事購古圖書若古器不下數千緡客風之曰里俗方盛供具悉用敝器為哉承事笑曰全負好古之癖各以志行爾甲寅秋七月丙辰承事以天年終蓋春秋六十有一方治喪正寢其東僻災宗賢等升屋而號乃反風滅火宗賢夜讀喪禮寇諫入臥內者十餘曹一蒼頭大呼寇空手遁去人謂承事陰德多既死且有天幸知言矣又明年諸子舉承事喪待吉而墓乃遷次陽山之原家大人雅得交承事驩而宗賢於余甚習余

既誦承事之義法當有銘：曰

爾服爾積哉爾孚爾翼哉爾兆吉哉保爾子孫緝：哉

南谷公澤字守元正德丁卯正月初五日生嘉靖乙卯七月十一日歿配汪氏同葬副竹一子宗傑傳曰南谷公豁達好直道闇：且近人也非紋以自高者工書畫綜核經目能強識博物君子然歟

隱竹公洪字守量純介直每以急物為心舞陽人某遺青囊於路囊有金百餘公辰出獲之不復歸偵至停午失金人號哭而至公以青囊授焉人仇公十金公卻笑曰辭百金而受十金是為歆富乎人啣舌又某坐事繫獄鬻女完贖公憐為

納聘女少媿也哭之慟公即夕戒歸不責之償縉紳高之呼為王商蓋以馮商慕之云客遊五十載下士工書畫周人急以錢貸人貧者多焚其券無食報心卒河南赴吊祭者三百餘人追慕如一口也正德壬申三月十九日生萬曆辛巳九月十七日歿葬十七都由潭配劉氏一子國賓傳曰隱竹公之誼高矣次其行事宛然如對古碩人也死之日赴吊奠者三百人有奇古稱鄉先生歿而可祭於社者其在斯人歟處士武字守烈一子甲始傳曰處士窶人子古稱塵爾甑者甘貧就末藝不脂韋取憐於人：論推之憶余初什褐時處士負擔於路相逢握手洋：志甚遠也無諂無怨者也

處士肅字守敬嘉靖乙酉六月二十九日生萬曆丙戌七月十八日歿配邵氏四子宗堯宗禹宗湯宗伊傳曰處士端懿尚節義義聲溢閭巷矣家貧婦子五六輩聚廬相守昉吾家王公霸為人四壁蕭條惟分澹如也素位君子然乎

處士廷護字守善嘉靖壬寅十一月二十日生萬曆戊寅七月初六日歿配邵氏一子宗成傳曰處士早孤茹苦自立流俗稱為良子淳厚不逐之聲利里中有鼓唇者解紛惟並非民望而能若是乎

處士雄字守威善琴弘治辛亥四月二十九日生嘉靖癸未二月二十九日歿二子宗正宗彞傳曰處士恂之孝者視膳定

省一承兩尊人歡父客死河南訃聞擗踊幾絕骨立匍匐赴喪勺漿不入者幾月所身亡古謂死孝其人歟

二十一世

先兄豪士宗顯字世榮正德庚午五月八日生配劉氏繼子尚
中傳曰余兄宿稱克勤儉者踈跋四途思紹先緒兢志誠
加等夷矣夫逝贈君裂肝傷之黨墊悲悼同聲相若也人而
無良能是乎

壽官宗美字世哲號仰齋正德辛未十一月十一日生萬曆甲
午十二月十八日歿邑侯丁加賜冠帶配汪氏二子桂椿傳
曰公和易平直自持耆年善飲堯斗不及亂無長幼樂親之
長應對諳於朝律有能有為之才也

省祭宗法字世重號小山支監兩浙充衆綱領隆慶丁卯恩例

補省祭三吳縉紳交之正德丙子二月十一日生萬曆戊子九月十四日歿配吳氏二子橋樞傳曰公以仁孝著聞者仗義疎財利鬻齡失恃垂老懷母儀淚且淫下也稱公孺慕可矣

先兄兩橋公宗耀字世華正德丁丑二月二十日生隆慶庚午七月初四日歿二子尚文尚中傳曰兄倜儻不羈多豪舉蹴踘陸博諸戲皆名擅之累世固多資棄若敝帚勤古精筆墨至今猶傳兩橋畫云

先兄處士宗大字世高弘治乙丑六月一日生配余氏苦節一子尚祿傳曰兄謂閒情自適者也疎達不膺羈勒視夫世之營、羶逐者自漢壤矣

典史廷法字儀甫邑舉浙江德鎮胡公麾下為掾尋恩錫冠帶授江西廣信府鉛山縣典史嘉靖丙戌九月生配金氏二子尚賢尚卿傳曰吾郡胡公世稱吳越捍蔽至今死猶生矣核其當年遴選部尉非謀勇克具者不錄儀甫忠勤自効於公稱九方臯也即謂林官驕發可也

處士廷濱字君甫嘉靖壬寅九月生萬曆甲辰潤九月歿配金氏繼羅氏二子尚儒尚化傳曰處士敏悟能屬文客遊江漢間入爭友之篤孝友族屬無巨細皆思質成惟重也是六一鄉善士矣

處士廷偉字君寄弭省誨嘉靖丁未生萬曆庚戌歿生歿皆六月二十八日未時六異數也配畢氏同葬上里皂培山乙辛向側室姚氏二子尚能尚敬傳曰處士端懿尚禮義人有鄰屋間片言立解鄉評崇之強恕喜怒不形周人急垂索莫之恤也斯二好行其德者矣

處士宗彞字世章正德庚辰七月初十日生萬曆癸酉十一月十九日歿葬楓林園配吳氏繼趙氏二子尚朴尚斌傳曰處士幼孤嚴事伯兄及嫂世稱恭友多年善幹濟貽子惟一經也斯所謂藏書膝遺金乎

傳

子婿中書舍人朱家用撰

王處士諱宗彞字世章菱塘其別號幼失怙恃備歷多艱痛兄蚤世喪祭必盡誠終養寡嫂以完節嘗齋用弗給尚課子尚朴一經即未穎脫青衿之徵公志矣元配吳孺人為北城吳公澄女婉婉慈和修婦職惟謹嚴事伯如侍嫠處而佐慈岑纖嗇拮据佐夫子修息業駁之起方鞠育子女者三中道而棄杯棬繼逆趙孺人為龍源趙公天弘女約已能下視諸子女若已出迨夫子困公後家徒四壁乃甘食力而茹荼勉伯子治經給之膏火迨夫子客死哀毀久之尋歿里稱繼母而慈者實刑于有自哉 館生朱仲子曰予外舅故以直義捐家嘗予受室時已蕭然懸罄矣內則繼室糟糠外則弱息

咕啤運甯未造公亦如彼何伯子元；儒冠踰艾之年孫枝
方出意者其有歲慶歟予辱在貳館竊以不文之辭為外家
實錄俾得附於家乘云

縣丞宗賢字世珍號三峯以易經占籍補弟子於浙之錢塘尋
入太學受山東嶧縣；丞以蕙直稱權署定陶金鄉二邑；
大治遷歸士民思之正德庚辰十月十四日生萬曆甲申八
月初九日歿配汪氏繼俞氏三子兆奎用中用情傳曰今世
尤競脂韋哉挈楹改錯竊自羞矣公守職飲冰蒞定陶金鄉
間數月邑大治十家稱香火焉卒以直黜嗚呼直固難容攀
臥之民三代直道而行之民歟

贈序

進士通議大夫汪道昆撰

王承事善家大夫乃少府亦以通家善不佞少府故籍胄子
數困有司中年而得嶧邑丞蓋念之深矣向余曰當世官人
之途五胄子屋四焉首則進士起家次者鄉舉次者歲貢士
由經術進則三者以為差此無論材其資視胄子為厚胄子
而下率以刀筆糞身即其術不儒其所事；即吏事也無論
賢已其林視胄子為周胄子資薄而或詘於科如之何其足
以參三而殿五也逆億者謂是故入資而今收責惡用是積
著者為哉即有奇棄弗收矣宗賢非敢自棄孰能諒吾將有
樹也而對菲之邪吾欲為不蘆胡然而旅裘也胡然而羔袖

也安能為不廉吾歆為廉胡然而部婁也胡然而松柏也安能為廉司馬其笑我矣不佞曰否官人不必擇類要之宜民當官不必席資要之仗節項自世祖三途並進廣厲臣工天網所談奚翅三面乃今內亞旅而外岳牧豈盡業輟公車即重；百一見之其路廓而未塞往不佞歷四國備三監周視旁求猶恐有失即一椽良一椽進矣今之耽；者具在曾何置闌於橋門且也士之廉猶女之貞也女貞不字寧以遲歸而不有躬於是少府重不佞之言斤斤務矜取舍所部以為不歆檄攝定陶曹尚書屋定陶雅以諤；取重顧獨多少府即代而贈之言部使者殿最諸司禮少府加一等會新按

部入其間卒不見知尋量移王官垂橐歸矣少府故不問家人產歸休而減故饒有子兆奎受少府易迄今猶困于舍少府者而有客先期東游且謝客邑人謂少府阨矣始奉司馬之命不為積著也者而為廉吏顧邑中紛紛起胄子不脫穎而行則捆載而歸少府何繫；也不佞聞之曰固也治有汚隆宦有巧拙治隆則巧者拙拙者工不則反是往不佞以拙贊少府直將為之求工少府累；固宜巧者之計得矣今上孳孳吏治治主其隆此以拙終彼以巧終莫之致詰揆諸天道所謂天時不齊非耶昔張廷尉以貲為郎其卒也持平天下即少府安能望廷尉不亦庶幾乎長者哉彼漢畜夫則

今巧宦之屬也文帝之治不陰於今少府之倍明時則天限之耳廷尉得失其時不有賈生乎生建治平之策結宣室之知何患不遇卒之流落不偶困於長沙夫以少府而隸賈生不可同日語矣均之遇主均之出為王官即百世無能釋憤賈生何論少府然而少府者矣生故無年才非其敵而蓋過之天難謀矣雖然天道猶張弓也下者舉之不足者補之寒暑往來其度不忒即少府堅冰及腹庸知用卿不為陽春乎少府趨歸子舍且為客羞矣

星石公宗英字世育正德庚辰十二月初八日生萬曆戊寅二月初二日歿配吳氏三子尚村尚樾尚棟傳曰公幼服儒以儒名未顯儒之用也机警俗稱智囊蓋其掉三寸舌濟緩急簧鼓是非者歟

處士宗德字世積正德戊辰四月初八日生配朱氏三子尚祖尚福尚禮傳曰處士魁桀膂力加人料事務且如指揮也壯齡客遊暴橫子十百輩搆處士於難處士走險禦之難卒解其二勇俠者乎

邑庠生宗恩字世承嘉靖甲子以易經補弟子員嘉靖甲午四月二十五日生萬曆癸未三月二十七日歿配蘇氏三子文敏文教文徵傳曰公優於林而短於遇者乎弱冠擅蜚聲見奇郡守何公甄入紫陽為六邑望名噪一時踰壯譚經牖後

學後學皈依者嘗十百人如坐絳帳春風云

處士宗興字世賓號華陽嘉靖癸巳三月初四日生萬曆庚戌七月二十九日歿配蘇氏五子用式用奇用化用升用禎傳曰處士熙攘席林席林聲燁々矣攷其生平不必比德於殷周也其時盈時詘有以耳好古善筆墨者願矍鑠作小楷如蠅頭者不倦是亦雅宜之士哉

先兄壽官宗海字世溶號漁齋嘉靖丁酉十月初九日生萬曆庚戌二月二十一日歿配程氏郡司馬劉贈額曰耆願具慶息受冠帶二子尚延尚豹傳曰兄淳樸不習世紛古稱為行君子也家貧布蔬自甘遇子慈子以武弁聞閩浙間則又今

之貴介所羞矣

處士宗孝字世永嘉靖己亥六月十二日生萬曆癸巳四月二十日歿配吳氏三子尚壽尚達尚薦傳曰處士固膏梁子以鉤鉅著非履周行者比晚終屈於貧無愠色亦異夫淫利如鷺者矣

先兄儒官宗安字世靜號定齋性稟質直夷易近人律已應物可稱三不愧者人有善褒之不善危言懲之且與其政轍也故比閭鄉曲若長若幼下若臧獲筆管師吾兄為人云至贈君不祿室苦罄懸母寡兄強四五幼弟乳臭未立蠅營媒孽甚且環生人倫之艱備矣兄委婉遜避諸凡不堪甘受之嘗

謂本曰先君肉尚未寒忍貽閱墻醜乎卒之危疑僭釋骨肉
間不至構於難者皆兄賜也憶本弱冠時侍兄杜門工帖括
家言每與道室家蕭條狀淚無日不簌；下及本釋褐諸兄
弟業隆；起兄食貧如故人有諷兄為自樹計兄曰先君歿
余屋家替余負使諸弟計日以裕余心始獲安異日者始可
見先君於地下耳若夫解紛息難得兄片語人無不心折者
族中嘗有富室兄弟某；析貲累數年未決將召雀鼠兄百
端諭之隙卒解兄之明德如此未有不食報於子若孫者矣
兄生於嘉靖甲午二月十七日歿於萬曆甲午十二月十四
日配邵氏同葬澤林山一子尚爵傳曰兄之坦易無競物也

古卓茂也兄之屈抑自下臍噬莫之校也古公藝也兄之恭
讓自卑嗇已培棟樑也古伯道也兄之急物解紛人咸媿以
服也吾家古彥方也嗚呼維甚盛德篋以加矣

邑庠生國賓字世光號懷宇以易經補弟子員嘉靖丙午二月
十五日生萬曆壬寅二月二十三日歿配邵氏五子道立道
行道成道章道煥傳曰古人曰人與公瑾友如飲醇醪不覺
自醉吾弟世光亦云才都善詩書幾登作者之場矣事親孝
撫孤姪推恩以相接也詎曰詞賦君子已乎

處士宗傑字世望號思谷嘉靖丙午十二月十七日生嘉靖丙
寅九月二十六日歿配吳氏一子龍傳曰處士淳一以澹自

持幼失怙自立不喜弄宛若成人弱冠挾貲遊中州卒於邸鄉黨閭塾間皆為太息而流涕云

處士宗義字世喻號貞庵嘉靖壬午十一月十三日生萬曆乙巳十月二十八日歿配程氏二子尚勤尚德傳曰處士好古不屈權力三代直道君子也壯齡傷卜泣垂老子出于滕且宿痼而人年八十弱子始婚黨戚異之語曰天道無親常與善人信夫

少溪公宗喜字世吉嘉靖丙申七月初八日生隆慶庚午正月二十九日歿配金氏一子尚亨傳曰少溪公濶達恥遊於俗者也善方技更工樂府王謝風流若人乎

處士宗科字世薦號清溪嘉靖壬辰九月十七日生萬曆庚戌十一月十四日歿配程氏四子尚勳尚烈尚照尚熙傳曰處士耿直不徇威權撫弱鋤強桀其天性也遐齡矍鑠病革絕肉食者彌月柳曰天與善人蓮峰出化城乎

二十二世

處士尚福字思謙號少峰配邵氏二子之魁之相傳曰處士美
芝字以善武聞疎財屈於貲有由耳朗達工手譚抑又可稱
一善成名者乎

府庠生楷字惟範號範吾嘉靖丙寅以易經補弟子員嘉靖癸
卯十一月初二日生萬曆癸酉十月二十日歿配閔氏合葬
楓林園傳曰惟範博焉嗜學以晚成勝冠遊藝席林席林
縉紳嘉之恢達負不羈才是亦異夫斤之中采齋者矣

亡侄儒士尚文字思純號敬所習易經嘉靖壬寅三月二十一
日生萬曆戊申八月初二日歿於淮配夏氏一子家瑞傳曰

思純石介不阿莊慎慕卽中建之為人窮年受書人稱爲嗜
痂也其去世之殯被相執脂韋以挈楹者蓋有間矣

亡侄邑庠生尚中字思顏號肖兩萬曆甲戌以易經補弟子員
嘉靖乙巳十二月初二日生萬曆癸未十月初五日歿配邵
氏二子家臯家助傳曰思顏鈞鉅之儔歎才美賦詞多善俗
清之不濁干霄尚之俟也斧斤且哀哉

儒士尚檄字仁甫習易經嘉靖己酉五月初八日生萬曆甲辰
六月十三日歿配金氏一子家啟傳曰仁甫素號儒者跡其
行事悃樸自守與人交以善也以名爲士不虛耳髫年魚蠹
皓首籠鍾嗚呼如仁甫者可勝道哉

處士尚材字以智嘉靖甲辰四月初十日生萬曆甲午十月初
七日歿配汪氏繼封氏一子家尹傳曰處士昂藏嶽然也
奉公未壽卒封氏茹貧冰節撫遺孤弗納於邪鄉閭固重之
矣

處士用情字民和嘉靖甲子六月初八日生萬曆戊子八月二
十七日歿配汪氏繼子來交傳曰處士恂如金玉者也信
果行言必碩族里善焉婦年少苦節處士歿時家祿中人產
婦茹貧儲無擔石也其之六可以對處士於地下矣

邑庠生尚甫字袞卿配程氏先卒葬卽山繼張氏同葬澤林山
子家昇殤亡繼子家晟余亡弟子郡庠生尚采字素卿葬澤

林山配汪氏繼子家冕余亡季子生而疑慧人咸稱為寧馨兒云甫長采二歲年相若幼同里塾髮未燥通經書皆能攻博士家言才相若萬曆庚子應秀才試同以弱冠補弟子員且同觀場遇相若居常杜門治經不與人事兩人嘗相語曰吾輩業已俛首受書不圖取發孤去控地何為甫著有遺草采能詩及古文詞著有歷朝彙要名噪一時志相若甫豈弟作人恂恂圭璧君子采常諧人伉儷立揮數十緡不云惜宅心相若甫生於萬曆丁丑正月初六日歿於萬曆壬寅二月初八日采生於萬曆己卯四月初十日歿於萬曆戊申正月念九日其負塊壘鬱鬱萬里間者三復相若嗚呼惘惘凶疊降

悠々我心安忍不傳二子也傳曰牀子恂恂倜儻士夫孝友天至乳臭時承吾母楊宜人歡慶悲事劉之日短也宜人喜有孫矣且少不喜美鎮重練達宛若成人季子負志卓磊落不可一世病革氣且摩空焉其與叔子名重縉紳有以耳

叔子墓誌銘

邑人孝廉丁尚義撰

嗚呼胡為頓使余誌牀子迺忍銘哉余之交牀子也以仲子故仲子于余稱莫逆兄弟而叔子仲子則所稱不愧兄弟者也叔子見倍伯若仲若季持張友狀以請嗚呼胡為頓使余不誌牀子迺忍不銘哉按狀叔子姓王氏諱尚甫家鄉其字先世自觀察文靖公世居宣仁里代有聞太翁衛輝公毋封

宜人汪三索舉牀子生而孱宜人憐之令無業博士太翁不
可是兒且汗血吾直虞童烏奈何廢儒家業年漸長謝一切
美好若老成人獨嗜學不倦已又嗜古人書嘗從仲受子若
史于衡陽公署會既歸從余友張遊是狀牀子者也乃益大
有會夫既遠有所樹吐頽為文咄咄一時名家以故早見賞
邑大夫石林祝公樂同魯公余座師聽所項公試輒高等海
陽人知有王牀子者郡大夫志寰陳公春寰沈公紫崖凌公
鄰大夫王札錢公若谷徐公試閱俱拔高等新安人知有王
牀子者名益起會稽石簣陶公公安六休表公古皖澹如阮
公來海陽下交牀子歡遺以詩歌而去海內名公亦若知有

王叔子者乃以庚子春始得補邑弟子亦即以是秋與試棘
圍是何長于林而短于遇甫一遇而又未竟其遇也歸而與
季下幃玄石山房愈益發憤曰男兒不搏扶搖羊角控地何
為洵古甯越蘓季之倫天性孝友每語二親初年拮据扶淚
簌下朝夕務承其志嚴事伯若仲而遇季也畏友鞠子兼
之季嘗哭謂余吾所不與叔從事者三年耳後牀子生二年牀
別吾三楚吾別叔中州可一年餘皆與叔俱者也其一堂敬
愛如此疾方遘太翁從衛輝署遺書戒調護若預知其無善
狀者宜人及伯若仲若季為椿拜使遍訪和扁方士季徹渡
最後至有奇効乃牀子猶刺書史屬文詞不止病竟滋甚

方士亡功是所謂死生學者也死之日謹謝昆季善視二老人惟是藐孤母憂不孝人去路卒無一語及亂噫嘻意者其學之力也與林子生于萬曆丁丑沒于壬寅得年二十有六夫好學者又亡論年已元配程先林子卒繼張均有令德張有子一家昇殆將世林子業聘吳氏女兆在里中王園故宜銘銘曰

謂志未伸爾自有珍何必于陳謂年未臻爾自不泯何必于椿哀之嗷之爾有令人爾有令人何必于身

叔子行狀

星源友人張成叙撰

萬曆壬寅二月辛未王林子以疾卒既浹旬兩昆氏暨其季

嗚咽謂余子盡狀之嗟乎余于博史無能為役雖然叔子雅遊余如家人肉骨知林子者宜莫不佞最敢雪涕待命林子名尚甫哀卿字休之宣仁里人其先唐觀察使文靖公自太原徙代有聞人至衛輝公而益振衛輝公丈夫子四其三則林子林子生而孱母封宜人汪憐之令無博士業衛輝公不可則曰是兒且汗血吾直虞童烏苗弗秀不者于門須此大矣居頃之就塾則風氣道上諸儕偶封宜人為色喜已從衛輝公之任楚衡則就仲氏受立明春秋南華非公于兩司馬諸書業駸之起歸而不佞始獲交林子矣當是時林子新受室程之亡繼室張蕭條琴瑟新故之際願獨富博議余以是

多之蓋牀子少而不好弄雖弱冠儼若宿儒其孝友溫恭天性則然屋嘗為余譚衛輝公之少孤攻苦為學與封宜人之脫珥躬井臼佐君子也未嘗不流涕最愛弟季即所居無季在帳如失左右手而獨心師仲伯氏方祀高禩未效諸為和調膠木江汜間尤力其茹苦食淡殫研篇籍意所未得輒熒燈丙夜不休雖古甯越蘓季子之倫不是過也嘗稱曰男兒業矢志青雲不務培風搏扶搖而上即控地者乎奚以禽鹿而強行為所卜館落石去邑治里許辨形勝則牀子手自拮据為之僉曰牀子非獨藝文祭酒也乃幹局六甲諸生云牀子蓋自庚子始占博士籍纔得入棘圍一當單于然先是

諸郡邑大夫石林祝公志寰陳公春寰沈公紫崖凌公樂同魯公玉虬錢公聽所項公吾師若谷徐公暨會稽太史石簣陶公楚儀部六休袁公皖司理澹如阮公諸名家無不推轂牀子才謂新都故饒豪傑屈指南宮誰挾發孤先登者勉旃是在孺子嗟乎藉令天假牀子年諸公所期豈多讓哉當牀子寢疾昆季無慮百方為集和扁最後方士李徹度至然牀子方困猶刺之文史不休神太用斯竭矣雖秦越人若之何始余與牀子劇譚及古今成敗人物失得無不如響應聲至究竟死生之說心疑其河漢及觀牀子屬纊不乱謹謝諸昆季若無憂吾去路第善事父母撫藐諸噫嘻牀子于死生亦

幾審矣余自晚知牀子也牀子之從余遊八載余尚未去王而牀子沒距生丁丑王正六日僅年二十有六竟符衛輝公童烏之卜知子莫若父悲夫余既以肺腑謬陳叔子大都著廼撰德擣詞則作者南董在衛輝公諱宗本今司馬衛輝伯尚功仲尚和季尚采並俊士貌諸家昇生庚子聘商山吳太學有鄰女例並入狀

叔子遺草引

季弟尚采枚淚撰

先叔兄之愛友人議索遺艸壽之槩家伯仲謝不可于嗟天乎牀子亦已矣安在取溝中之斷青黃而文之且無乃觀人以未凋之璞其在不肖采不然采生後牀兄纔二年唯是孩

而襁弱而鄉塾長而傳習冠昏考校悉同之出入則如影隨形執文則如喁和于氣味則如心喻體兄存而兄之身采身也兄沒而采有身如無身也既已不可奈何而見兄遺文如見兄也且莊生不云乎非愛其形也愛使其形者叔兄當年下帷耽思無間昏晝即寢疾刺々文史不休夫其不隨晝夜疾病間也者即其不隨生存而死亡也者彼夫在天星辰在地河嶽幽為鬼神而明復為人胥此矣小子思吾兄而不得見々使其形者于殘編蠹簡中則斯刻也猶之乎宗器裳衣也羊裘嗜芟也其在諸友又猶之乎濟冲酒壚也延陵心劍也伯仲何疑于是伯仲目諸友孺子言然遂相持慟哭而識

之首簡

寓玄石山房贈叔子季子 進士禮部主事袁宏道撰
不獨林園勝屋亭更可兒雲生臥地石花壓傍牆枝字母逢
僧轉文心問水知看君舉業好岐路不須疑

季子贊

史官華亭董其昌撰

庚戌秋余以礼岳過海陽就王立老館屋焉立老時治家乘
心以季子素卿負材早謝人世抑：墮西河淚也因習其譜
傳為之贊贊曰
爾志凌霄也爾材干越也爾行惠迪也爾昂藏稱冠玉也爾
交遊西干長也爾未臻者年也爾之不朽者非年也

吊季子詩

漢陽丙午孝廉余士忠撰

驚爾歸長夜思君涕轉淫憐林堪結轍絕筆是知音情擬醪
醪契神聯金石心青箱會有托好向玉樓吟

奠季子文

猶子文垣飲泣撰

於戲季子逝矣逝之前日叔以薄躋別余南柯中也於戲其
神作之合耶抑鄂城劍氣未射斗牛死而目不瞑也耶於戲
季叔芙蓉竹箭於今已矣井目六難瞑矣於戲季叔齡未三
匝子可五車屋平倚馬淋漓費我餘勇直挫萬物筆端是莊
墨之雁行也今井逝矣叔其才莫罄也井乃五陵衣馬執經
立雪宛若落魄魄鄰生按其披卷吾伊期：徹晝夜不休是又

司馬之遺風也追憶春鼓柁江頭聯宵鼎之每謂余曰我
汝二阮才誇東南半辟不即取發孤去控地何為言猶在耳
叔先逝矣是叔氣未仇也叔又聞善若驚得一士喜若狂生
平恂、謙抑萬石君家兒也又可重義輕金諧人仇儼立輪
幾十緡不云惜積仁累行如此蘭芝未兆叔竟逝矣是叔報
未食也且舍垢忍恥吾與叔方同病相憐乃今長蛇國狗噬
臍莫援牀不能以五千甲楯共保會稽惟後悠、萬里一日
先我逝矣是叔恥未洒也吾家太尊人筮仕楚衛畏此簡書
僕、十有餘秋圖鬼物者一朝射以鍾乳而棄政吾與叔取
彼王官及鄙之日也叔竟不顧而溘然逝矣是叔願未竟也

又思吾家屋我父行者有丈夫四歲在壬寅三叔一介書生
棄我儕空肉骨與悲目皆墳起而堂前垂白則尤創鉅莫之
解者然七年以來家政拓落苦莫誰何且螽斯未衍罔得坐
著膝前者以順兩太尊人歡今叔又棄我逝矣是弟情未可
捐也於戲龍蛇陽九牀其目不瞑也耶第計願夭拓壽司馬
氏已微言之而牛山揮涕千古英雄喙為鼯鼠季牀九京有
知目又何不瞑耶何不能以疇昔之夜別我精爽矚我生芻
半束耶於戲季牀青、子衿悠、我心如可贖兮人百其身
灰真興哀鑒我冥、於戲尚饗

又詩八章

休寧宣仁王氏譜

蒿里茫茫，別路長。半生意氣盡飛霜。五花駿足空歸去，天外
河山枉斷腸。

薤露興歌，只為君無端。雜沓共誰勤，可憐半世吞胡氣。散作
彌天幾片雲。

幾度思君嘆莢蕩，五陵何事隔雙星。堂前白髮千聲苦，廣漠
那堪賦鶴鴿。

畫舫當年去漢陽，江頭二阮夜聯床。中流擊楫千秋任，片語
蕭蕭不忍忘。

泣盡相看意轉傷，憐君劍氣利非常。幾般田舍年，老為甚
蒼，薄季郎。

大叔悠悠，去七年。鴈行中斷已黯然。脊原拉事雙同穴，會是
玉樓需百篇。

思君淚灑白雲邊，涕引山河也枉然。千歲來歸何處鶴，五更
空顧幾聲天。

笑殺英雄盡枉然，勸君好自忍留連。家聲有我還須大，定把
君身了萬千。

亡侄處士尚通字理卿，號貫吾。萬曆庚辰十一月二十八日生。
萬曆丁未五月初九日歿。配汪氏三子。家言家詔家訓傳曰：
吾侄古稱恂雅者，幼喪母，骨立既長，善計然術，抑無俗韻。
萬石家兒，非耶婦米操麟趾，嗣福未艾也。詩曰：豈弟

君子神所勞矣

亡任處士尚勲字伯常號成吾隆慶辛未年八月十四日生萬曆己酉六月二十一日歿配金氏傳曰吾侄慷慨俠丈夫也任事循大体不襲小節持策席林食客日數百指席林巨賈咸推焉兩弟治藝武水歲與西干長者遊廩脯悉身肩之變念鞠子哀也可謂孝且友矣賈遊歿無嗣刑家未之卑耶亡任儒士尚旒字育卿萬曆壬午十月初八日生萬曆己亥十一月朔五日歿習書經配吳氏同葬榔山繼子家訓家誥傳曰吾侄所稱渥洼產乎穎悟超人謂千里駒云垂髫治帖楷技多入彀秀郁衣且莫勝也蘭摧玉折悲夫

處士道立字景懷隆慶辛未正月十六日生萬曆庚戌十月二十七
日歿配孫氏繼劉氏三子萬畿萬化萬方傳曰處士閑雅恥輕曳溫謙讓鄉黨固稱弟矣坐貧樂揮金柳曰古人無聞知乎

處士尚儒字文卿配金氏三子家祿家祥家福傳曰孝為百行之原哉庭有異母千古難之處士齋慄供子職兢衣蘆惟甘也於吾別駕公祥有光矣

處士尚卿字公晉未壽卒傳曰處士雅秀美丰姿俗稱烏衣子弟工書篆一祖墨池成法通於劍下玄機者深乎

二十三世

邑庠生來朋字季良隆慶辛未十一月初十日生萬曆己酉五月二十四日歿以易經補弟子員葬一都楊浚配閔氏繼子應芳傳曰季良幼負才都竟曰可誦千言是謂佳士既長絕俗書淫幾於古市隱矣嗚呼詞人善病自昔記之

亡侄孫處士家璋字元玉萬曆癸未八月十六日生萬曆己酉九月初九日歿於楚配吳氏繼徐氏一子蓀茂傳曰處士恢爽美如冠玉髻齡攻博士家言不就子母客遊江漢淮泗間世稱能賈不羈恥小謹五陵衣馬多然乎

族譜淑媛貞婦傳

十九世先王父義官諱寧配先王母孺人吳氏諱愛裔出陪郭
幼幽靜閑姆訓知女子大義及笄于歸慈祥貞淑侍舅姑鞠
躬聚百順惟董舅姑嘗遞病供匕箸夔：腹粟旦暮祝兩尊
人岡陵罔艾也人稱孝婦王父歲客遊壺以內孺人主之訓
勉孫子諄：思義並著諸凡賢勞不勝任者皆以身肩人稱
村母府君繼聘吾母楊宜人宜人齡僅十五孺人一見慍曰
先大吾王氏族者必此婦也後宜人子姓萃：家日隆：起
人謂再造王氏孺人以識稱病革語不及家人產詔後人曰
若輩名成勇退知止不辱母久恋此鷄肋也其持大節類如

此孺人以量稱嗚呼若孺人者可謂母氏聖善矣傳曰閨闈
燕昵之間聲聞所自起也古人考治觀於刑家詩書有明徵
焉吾王母女道婦道母道盡善美矣用次譜謀王氏有母儀
乎

二十世先府君誥贈奉政大夫諱弘配先母誥贈宜人楊氏諱
意裔出淮陰外父楊公魯道女宜人而生而孝慧為外父母鍾
愛外父時負公賦繫獄議計宜人受聘自續外母難之宜人
泣曰今日之後苟脫吾父於厄何計身為贈君心高其義納
焉宜人時年十五贈君業已五旬前母兄嫂有三宜人柔順
自持一切不堪領之侍病姑孝姑病革囑曰願若兒媳侍若

猶若之侍我也云云贈君歿貲案屬前母兄垂索且盡宜人
督本兄弟曰若輩亦自樹立耳祖父遺貲當視若朝露也嗣
室家之絕前母兄凌厲百端宜人謙抑不校且曰地下者肉
尚未寒忍令若輩以財利故至傷兄弟天性誼乎其持大節
類如此正德丁丑八月二十一日生萬曆丁亥七月十二日
歿葬十都東山予六宗安宗海宗本宗紹宗明宗兆傳曰吾
母輩采中宮有日矣不具論其大者冲年侍親孝以身出
父於難微古緹縈不及此至以幼艾字我垂白贈君殘霜齋
慄嘿格異母子若婦也懿懌哉其魯義母風乎古人誅母而
不誅父曰婦人之德非誅不顯小人有母敢以次之家傳

墓誌銘

翰林院嘉議大夫曾朝節撰

楊孺人者邑大夫王君母也初為淮人父楊魯道坐逋祖繫獄獨計有女可贖嘗贈公守道氏既艾失偶何舉醴來淮遂以歸贈公孺人安之入海陽姑病且耄視寒溫寢食不遺餘力前子一婦矣孺人視之無異即受諸婦目攝終不計伯仲亡贈公盡以橐付叔子或為孺人策宜收其半母令勿曹失所孺人謂丈夫在自樹若所謂是開之釁也無何則公卒孺人子女七僅孩提髻亂所付橐金毫不可問而嚮所目攝愈益甚孺人終不以骨肉相殘辱夫子地下惟嚴課諸孤或令受經或令受賈業日陰以起而大夫舉隆慶改元鄉薦孺人

蓋以謙巽處之壽躋七十子姓而下稱觴者以百計人謂初以芳年而從班白卒能廣嗣以大其門可稱奇親明年忽更衣端坐頽諸子曰而母歸矣遂逝蓋萬曆丁亥七月十二日戌時也距生正德丁丑八月二十一日申時享年七十有一子男九曰宗大宗顯宗耀何出婦為余氏劉氏金氏其孺人出者曰宗安增廣生宗海壽官宗本舉鄉薦今令衡陽者宗紹武學生宗明良醫宗兆禮部儒士婦為邵氏程氏汪氏金氏汪氏吳氏女一適汪玄祈孫男二十二曰尚祿尚文尚中庠生皆前出子曰尚功增廣生尚爵增廣生尚和增廣生尚哲太學生尚素禮部儒士尚延尚勳尚豹尚甫尚采尚通尚

貞尚疏尚烈尚默尚國尚備尚然尚兼皆孺人自出蓋彬
興起文學焉孫女十九曾孫男十二出孺人者九曰家夔家
璋家龍家玘文垣家益家旦家珣家言曰家瑞家高家助出
尚文尚中曾孫女十二婚聘皆鼎族云孺人卒之六年大夫
來衡陽奉慈教唯謹又四年奉

勅命贈母號明年丁酉大夫卜二月二十三日即海陽十都
之東山窆焉不佞朝節備采史爰志母德而為之銘銘曰
梯楊遠托疇無猷心爾知釋父皇卹其身絮蘆異視繫母之
常爾無芥蒂家用以臧有子最功帝惟母賢六珈孔碩賁及
重泉東山之陽卜云其吉我銘不磨過者斯式

二十一世縣丞宗賢配孺人汪氏裔出汪公雲峯女享年四十
有八卒子三兆奎用中用情傳曰庭有異產婦人難之孺人
歸少尹時叔出於庶凡二中萋菲者百端孺人婉々自律致
惻舅姑無他也非孝婦能乎至少尹善客交道日廣壺以內
孺人佐之惟謹抑亦婦中孟嘗歟

墓表

進士御史大夫汪道昆撰

海陽王兆奎余通家子也家大夫客東海蓋與承事君俱余
上太常遇太學君都市兩人驩若兄弟汪則余嫂云兆奎持
母喪請余表其母墓故稱王母汪系宣仁里承事君故以貲
雄里中乃為太學君請寢是為嫡長子嬪太學君母喜自任

不近事情汪婉：奉姑驩無所失承事君舉孳子二姑違俗獨視孳子親汪安之亦以身下二如於是相以內率相得無違言太學君受業大司成出居外且久汪居子舍獨當戶如太學君在焉既而與更三年喪不遺餘力居喪而火不災寇不害語在承事君志中太學君居家多車馬客汪親執刀：視容羞日從容諷太學君無效季良為也縣中垂女務奢溢服御擬於后宮汪獨無所慕華堂：耳時商山吳氏以鉅萬傾縣兆奎受室中書君汪壹以莊憚吳不假貸卒之吳稱能孳未嘗為富貴容兆奎讀父書事母孝母病肺兆奎釋業自吳會歸侍臥起者踰年母病革呼兆奎語曰吾舉子三人爾

獨長自爾有生以至今日終不以片言逆母心即母死目瞑矣兆奎衰毀甚尋病怔忡太學君召良醫治之病乃已汪春秋四十有八蓋自嘉靖元年迄隆慶三年仲季用中用情繇來聘來召咸在髻亂明年卒兆奎受大學君命始葬喪從俗藁葬西園將以待吉他日幸而畢大事則余為之銘

二十一世武學生員弟宗紹配亡弟媳金氏裔出峽東金公澤女享年五十有三卒子三尚通尚旒尚國傳曰孺人能婦者也敏慧勤儉自將壺內外固稱賢矣至閭左輸將無策佐吾弟捐橐為終事資迄今賴之作善降百祥吾於爾嗣有望云

行狀

進士工科給事中毛一公撰

曩不佞家備時王世裕以鹽筴遊版郡與余握手權若平生
誼至篤也居無何其婿朱信甫負笈從余遊相與譚及家政
於王君內助之賢聞之且悉余擊節嘉之不能置喙云越歲
丁酉信甫來告曰妻母無祿即世維魯之有喪亦鄭之感也
請狀之以垂不朽余惡乎辭廼忘其固陋以次其梗概余聞
孺人家峽東為金氏著姓父諱澤母汪氏生孺人甫三歲母
見背祖母吳愍其孱弱躬親撫養歷十餘稷孺人天性敏慧
服祖母俞惟謹勤儉孝敬特出女流及笄歸世裕時封公已
逝矣楊宜人方壯而寡諸伯如昂然一室少長咸萃人謂不
免爭孺人不吐不茹以調劑其間進則愉色奉姑歡退亦

無所招尤於伯如姻內外咸嘖稱賢宜人背患癰孺人徬
徨臥側躬浣其潰手傅之藥手上之食召命必趨數年危區
必旨故宜人祝曰吾無以報吾孝婦願孝婦雲仍繞膝飛黃
騰踏庶幾報之初封公業故饒浚斧資漸落孺人懼無以燕
翼子孫也廼贊世裕膏越躬衣大布而啖飧糜脩女紅竟忘
宵旦業日隆起秋毫皆孺人力也後廣屋室土木之費且巨
衆難之孺人獨戴星入戴星出不憚勤苦以督役作非所稱
閨閣而堂構者乎孺人初艱於嗣有教之事佛者孺人曰神
所憑依將在德矣若能積德以薦馨香神能勿福乎於是里
閭有求必曲為之應若孫若發雖踈遠恩時波及又強世裕

納妾過庶孽培加恩愛終不以絮蓋異視夜夢白衣觀音入室語曰仁者必有後爾嗣當繁衍已而果連舉三子時年已四旬里俗意其必事姑息孺人諄々教以義方弗納於邪擇其俊者勉之業鉛槧夜和熊以督課不以童稚寬假且屏去佻者淳者燕朋者毋使密邇是以林季森々之堪仕進餘亦能家則孺人之賢德益彰矣歿之時促々娶媳訓以大義語不及私中外無不流涕而孺人季子僅髫年六號慟哀慕至泣血不寧是非孝敬之報歟孺人生於嘉靖壬寅年二月十四日歿今萬曆甲午年九月十五日享年五十有三子三長尚通娶南門太學汪公子貞女次尚旒聘萬安吳公道立女

次尚國聘北門程公英福女女三一一字北門太學朱公宗周子遠一字萬安侍御何公其賢孫瑞開一字北門蘓公若濱子高武孫男五家言家詔家詳家訓家誥婚聘皆賜族蒸弗替則孺人之餘慶益永矣尚通等卜今臘月四日奉柩厝於王家園之陽敬述所聞以樹作者前茅

二十二世處士尚棟配婦劉氏性端淑不苟尚棟客遊三楚十餘載不返音問皆絕家坐貧婦冰堅自持始終如一死之日族屬黨塾吁嘻出一口也例得附傳傳曰以余觀婦劉氏高節干漢霄云論其大者婦及笄于歸良人輕內顧心踰壯遊遊忘返壺以內姑老女孱皆婦是需舉凡人世未嘗之楚心

甘之鄉評固崇之矣憶余守漢時婦良人晉謁余歷邈婦生平實套爾速之歸私喜藉口可報賢婦無恨也余里還良人忘返如故婦就斃矣嗚呼人而無良我以為夫哀哉雖然半生冰操千古流馨要亦婦之幸也

二十三世侄孫家紀元配朱氏裔出鶴山朱公家聘女諱如金享年二十有三卒傳曰富而好禮丈夫難之况婦乎婦固素封女子歸澹如猶貧婦若也勤儉事舅姑孝御妯娌接以和矣至物我一擇舉凡鏹藏公伯若如病革善謝舅姑及良人語無半及亂非賢婦而能若是乎語曰樹其德者亡論年婦固不必壽矣

二十一世處士宗正配孺人金氏裔出城西金公銓女處士夫卒家甚貧孺人冰堅自守足跡不履戶外三十載有奇年近五旬歿一女傳曰古謂節以窮見孺人金氏非歟處士歿家室蕭條後四婢立諭以改適者不下十數孺人茹苦矢志栢舟無他也孤貞抑天賦乎

先兄處士諱宗大配先嫂孺人俞氏裔出俞公教女一子尚祿處士夫卒孺人甘貧撫遺孤四十餘載冰操如一享年七十有一歿傳曰孺人惇慈執婦道甚重處士客遊卒於商孺人堅節女紅自給競顧鞠藐孤也鄉譽推之孤早逝無嗣天之報施何如耶

二十二世處士尚友配婦蕪氏幼性貞烈及笄于歸克董婦道處士客溧陽病卒訃聞婦哀絕欲死家貧翁姑願婦再適為薪水資婦曰我生平怒罵失節輩如仇今可以自蹈乎妯娒從中諭之者不下百十數婦曰妾亡人柩歸得展半束願也今若輩話我奈何吾寧不見夫地上柩從夫地下有詞也移時屏左右沐身自經而逝閭里悲之邑侯李公旌扁採入縣誌享年僅二十有五傳曰婦稱死節者也慷慨就義依地下惟謹也哀哉吾鄉固多烈節若婦蕪氏者非可袿幃纖趨視也

亡林子邑庠生尚甫配婦張氏諱德弟裔出張村張公全女生而柔順適林子六載林子逝婦杜門冰節外人罕見其面鄉黨皆曰是能不愧林子於地下矣一子家昇殤亡繼子家晟年近三旬卒傳曰履霜之操其事酸惻千古哉婦及笄于歸叔子生身順叔子叔子病身相叔子叔子歿身死叔子且送叔子於地下也此之謂三有禮焉嗚呼若吾婦張氏者是稱從容就義者也

二十一世處士宗傑配孀人吳氏裔出南市鄉善吳公仁女幼習姆訓言笑不苟長于歸二載處士卒孀人茹貧苦節事姑孝撫子龍以嚴祭郊龍補弟子員於邑丁未入縣誌李令公表其閭曰義方完節時垂白矍鑠例得並傳傳曰夫所謂女

德難哉刺膚毀容君子重惜之孺人冲年不夭篤守婦節撫
遺孤克以義方著也嗚呼江沱及而能悔閔睢樂其不淫稱
止矣

十九世處士璠女名仙適朱紫邵錕錕早卒女苦節孤闈四十
餘載稱節婦享年七十繼子二邵淪邵溶俱府庠生傳曰女
固以節著矣生時室有異香故名仙病革危坐謝人事語不
及亂蓋皆前因所累者然也

二十世處士琢女名蘭適鳳湖汪廷秀廷秀早卒女苦節孤闈
五十餘載稱節婦享年六十有九傳曰汪公歿女室苦懸磬
矣矢志冰節始終凜凜無悔也何其烈歟撫院海公察院馮

公劉公向公太守段公邑侯王公張公陳公歷々旌表其閭
二十一世先兄儒官諱宗安女名宜適西市邑庠生邵元楫元
楫早卒女苦節二十餘載稱節婦年五旬歿邑侯項公旌其
閭李公採入縣誌繼子兆行傳曰女生疑慧兄愛之欲適攻
博士家言者子歸邵稱得婿矣竟以寡終以節著嗚呼大節
貞珉須婺垂鏗者乎不然何其瑋行乃爾也



